

皇
明
制
書

皇明制書卷之十三

大明律

御製大明律序

朕有天下倣古為治明禮以導民
頑刊著為令行之已久柰何犯者

出五刑酷法以治之欲民畏而不犯作大誥
以昭示民間使知所趨避又有年矣然法在
有司民不周知特勅六部都察院官將大誥
內條目撮其要畧附載於律其遞年一切榜
文禁例盡行革去今後法司只依律與大誥
議罪合黥刺者除黨逆家屬并律該載外其

餘有犯俱不黥刺雜犯死罪并徒流遷徙笞杖等刑悉照今定贖罪條例科斷編寫成書刊布中外使臣民知所遵守

洪武三十年五月

日

進

大明律表

臣聞天生蒸民不能無欲欲動情勝詭
偽日滋強暴縱其侵凌柔懦無以自立
故聖人者出因時制治設刑憲以為之
防欲使惡者知懼而善者獲寧傳所謂
獄者萬民之命所以禁暴止邪養育群
生者也譬諸禾黍必刈稂莠而後苗始
茂方於白粲必去沙礫而後食可食苟

梗化敗俗之徒不有以誅之雖堯舜不
能以為治夫自軒轅以來代有刑官而
五刑之法漸著其詳弗可復知逮魏文
侯師於李悝始采諸國刑典造法經六
篇漢蕭何加以三篇通號九章曹魏劉
劭又衍漢律為十八篇晉賈充又參魏
律為二十篇唐長孫無忌等又取漢魏
晉三家擇可行者定為十一篇大槩皆
以九章為宗歷代之律至於唐亦可謂

集厥大成矣洪惟

皇帝陛下受億兆君師之命登大寶位保乂
臣民孳孳弗怠其訓迪群臣諄復數千
言唯恐其有犯慈愛仁厚之意每見於
言外是大舜惟刑之恤之義也矜憫愚
民無知陷於罪戾法司奏讞輒惻然弗
寧多所寬宥是神禹見辜而泣之心也
唯貪墨之吏承踵元弊不異白粲中之
沙礫禾黍中之稂莠也乃不得已假峻

法以繩之是以臨

御以來屢詔大臣更定新律至五六而弗倦者凡欲生斯民也今又特

勅刑部尚書劉惟謙重會衆律以協厥中而近代比例之繁奸吏可資為出入者咸痛革之每一篇成輒繕書上

奏揭於西廡之壁

親御翰墨為之裁定由是仰見

陛下仁民愛物之心與虞夏帝王同一哀矜

也易曰山上有火旅君子以明慎用刑
而不留獄言獄不可不謹也書曰刑期
于無刑言辟以止辟而民自不敢犯也
陛下聖慮淵深上稽天理下揆人情成此百
代之準繩實有易書之與旨行見好生
之德洽于民心凡日月所照霜露所墜
有血氣者莫不上承神化改過遷善而
悉臻雍熙之治矣何其盛哉臣惟謙以
洪武六年冬十一月受

詔明年二月書成篇目一準之於唐曰名例
曰衛禁曰職制曰戶婚曰廐庫曰擅興
曰賊盜曰鬪訟曰詐偽曰雜犯曰捕亡
曰斷獄采用已頒舊律二百八十八條
續律百二十八條舊令改律三十六條
因事制律三十一條掇唐律以補遺一
百二十三條合六百有六分為三十卷
其間或損或益或仍其舊務令重輕之
云謹俯伏

關廷授

進奉

表以

聞臣等誠惶誠恐稽首頓首謹言

洪武七年 月

日刑部尚書等官

臣劉惟謙等上表

大明律總目凡四百六十條

名例律計四十七條

吏律

職制計一十五條

公式計一十八條

戶律

戶役計一十五條

田宅計一十一條

婚姻計一十八條

倉庫計二十四條

課程計一十九條

錢債計三條

市廛計五條

禮律

祭祀計六條

儀制計二十條

兵律

宮衛計一十九條

軍政計二十條

關津計七條

廐牧計一十一條

郵驛計一十八條

刑律

賊盜

計二十八條

人命

計二十條

鬪毆

計二十二條

罵詈

計八條

訴訟計一十二條

受贓計一十一條

詐偽計一十二條

犯姦計一十條

雜犯計一十一條

捕亡計八條

斷獄計二十九條

工律

營造計九條

河防計四條

圖之刑王

遷謂遷離鄉土徙一千里之外

答 三十一

六
 十
 七
 十
 八
 十

徒二年杖六十

二千里
杖一百
二千五百里
杖一百

死 絞

五四
十

百九

二年半杖一百
三年杖一百

杖一百

斬

開啓者謂人有
輕罪用小刑
杖決打自一

杖者謂
罪用太
決打自

升徒者謂犯罪稍重猶杖在官所雖刑錄不應

流者人但重
罪者心則流
去者然其不

刑

五十至五十萬
五等每二十
下為一等如

五至一百
等亦每
下為一

五用力無苦之事自
年至五年為五
等每伏千次

博羅縣志卷之五
至三里為三
等以上百里

極

152

減

半生為事力城

萬事加減

一

獄具之圖

大頭徑 二分
小頭徑 一分
長 三尺
五寸
以刑杖
為之須則
去節自用
如法較勒
母令勒
物裝
應決者
用小頭
臂受

大頭徑 二分
小頭徑 七分
長 三尺
五寸
以刑杖
為之須則
去節自用
如法較勒
母令勒
物裝
應決者
用小頭
臂受

大頭徑 四分
小頭徑 五分
長 三尺
五寸
以刑杖
為之須則
去節自用
如法較勒
母令勒
物裝
應決者
用小頭
臂受

長 五尺
頭闊 五寸
長 五尺
頭闊 五寸
以刑杖
為之須則
去節自用
如法較勒
母令勒
物裝
應決者
用小頭
臂受

長 五尺
頭闊 五寸
長 五尺
頭闊 五寸
以刑杖
為之須則
去節自用
如法較勒
母令勒
物裝
應決者
用小頭
臂受

連銀
共重
三斤
以鐵
為之
犯輕
罪人
用
以刑杖
為之須則
去節自用
如法較勒
母令勒
物裝
應決者
用小頭
臂受

六賊圖監守盜

常人盜竊盜
枉法不枉法

坐賊

答二十

一貫以下

三十

一貫至

一十貫

四十

二十貫

五十

三十貫

枕

六十

七十

八十

九十

一百

一貫以下

一貫以下

一貫以下

一貫至二
貫五百文

五貫

一貫以下

一貫以下

一貫至
五貫

一十貫

一十五貫

一貫以下

一貫之上
至一十貫

二十貫

三十貫

四十貫

四十貫

五十貫

六十貫

七十貫

八十貫

徒一年

六校
七貫五
百文

二十貫
五十貫
一百貫

二年半

七校
一十貫

二十五貫
六十貫
一百貫

三年

八校
一十二貫
五百文

三十貫
七十貫
三百貫

三年半

九校
一十五貫
五百文

三十五貫
八十貫
四百貫

四年

一校
一十七貫
五百文

四十貫
九十貫
五百貫

流

千里

杖一百

二十貫

四十五貫

一百貫

二千五百里

杖一百

二十二貫
五百文

五十貫

一百一十貫

二千里

杖一百

二十五貫

五十五貫

一百二十貫

絞

八十貫

斬

四十貫

死
絞

圖

總

服

斬衰

三年

月至麤麻布為之縫下邊

齊衰

不期

一年

三月五月
月至麤麻布為之縫下邊

杖期

三年

一年

大功

九月

用麤熟布為之

小功

五月

用稍麤熟布為之

總麻

三年

月稍細熟布為之

五 族 九 宗 本

凡嫡孫父卒為祖父

母承重服斬衰三年

若燕曾高祖父母承

重服亦同祖在為祖

母止服杖期

即太公娶即太公娶

印公

高祖

曾祖

祖父

父斬衰

E

長子

年功

子采

長子

年斯嫡孫年功

不孝不悌

及妻長女伯兄年及妻弟及妻
及妻長女伯兄年及妻弟及妻
及妻長女伯兄年及妻弟及妻

調已娶弟調兄弟子調兄弟孫弟
兄弟年姪期年姪孫小功曾孫
兄弟妻弟姪大功姪孫弟曾孫

謂祖之同。謂父之伯叔。
堂兄弟及
排輩姪孫。當屬姪孫功。
妻與公之
伯叔兄弟。兄弟及妻。

[illegible]

同祖在為祖
服杖期
從兄弟及
妻與父同
祖兄弟

服不杖期父母報

孫父卒為祖父
重服斬衰三年

凡男為人後者為本
生親屬孝服皆降二
等注本共父母降

10

族

服

圖

父母

麻

父母

麻

父母

大功

姑

即受海在不然

年夫為妻

即姑

象子

年

孫婦

麻

孫

麻

麻

麻

曾祖姑

在室總麻

夫祖姑

在室總麻

夫親姑

在室總麻

夫姊妹

在室期年

夫姪女

在室小功

夫姪孫女

在室小功

曾姪孫女

麻

麻

麻

曾祖姑

在室總麻

夫堂姑

在室總麻

夫堂姊妹

在室小功

夫堂姪女

在室小功

夫堂姪孫女

在室小功

麻

麻

麻

麻

夫為人後其

妻為本生舅

姑服大功

夫族姑

無

奔族姊妹

無

奔族姪女

無

麻

麻

麻

麻

麻

麻

夫族姊妹

無

麻

麻

麻

麻

麻

麻

麻

麻

妻為家長族服之圖

家長父母

年

期

正妻

家長

期年

斬衰三年

為其子

家長長子

家長衆子

年

期年

期年

期

出嫁女為本宗降服之圖

即太太公婆 即太太公婆

高祖母 曾祖母

齊衰三月 齊衰五月

祖兄弟

即伯公叔公

總麻

即公婆

祖父母

期年

祖姊妹

在室無服

即姑婆

父堂兄弟

兄弟總麻

即父伯叔

堂兄弟

兄弟小功

即同祖伯叔

伯叔父母

叔叔姑婆

兄弟大功

期

父母

年

已身

父姊妹大功

即姑

姊妹大功

父堂姊妹

在室無服 在室大功 在室小功 在室總麻

堂姊妹

堂姪女

女總麻

兄弟女

即姪女

兄弟子

即姪

堂姪

總麻

即同祖伯叔

外親服圖

	母祖母 <small>即母之公婆</small> <small>無服</small>	母之兄弟 <small>即舅</small> <small>小功</small>	
	外祖母 <small>即外公外婆</small> <small>小功</small>	舅之子 <small>謂之內兄弟</small> <small>即姑舅兄弟</small> <small>麻</small>	堂舅之子 <small>無</small>
堂姨之子 <small>服</small>	母之姊妹 <small>即姨</small> <small>小功</small>	舅之孫 <small>無</small>	
	兩姨之子 <small>即兩姨兄弟</small> <small>總麻</small>	姑之子 <small>謂之表兄弟</small> <small>即姑舅兄弟</small> <small>麻</small>	姑之孫 <small>無</small>
	姨之孫 <small>服</small>		

無服

小功

小功

即姑舅兄弟

總麻

即姑舅兄弟

服

服

妻 親 脉 圖

妻祖父母

即妻之公婆

無服

妻伯叔

無服

妻父母

即夫人之父母

總麻

妻之姑

無服

妻兄弟及婦

即舅之兄弟

妻外祖父母

即妻外公外婆

已身

為婦

妻之姊妹

無服

女之子

外孫

妻姊妹子

無服

女之孫

無服

總麻

即姨

三父八母圖

兩無大功親謂繼先曾與繼父同居

父無子已身亦無伯今同居齊衰三月

叔兄弟之類

不同居繼父

期年

自來不曾隨母與

同居繼父

謂父同居無服

謂父死繼母再嫁

他人隨去者

有子謂已亦有伯

從繼母嫁

叔兄弟之類

齊衰杖期

齊衰三月

養母

謂自幼過

房與人

謂妻生子稱

嫡母

斬衰三年

嫁母

齊衰杖期

庶母

父之正妻

謂父娶後妻

再嫁他人

謂親母

謂父妾乳哺者

繼母

斬衰三年

出母

齊衰杖期

乳母

被父出

則如母也

慈母

斬衰三年

別受撫育者

謂所生母死父

例

以

以者與真犯同謂如監守貿易官物無異真盜故以枉法論以盜論並除名刺字罪至斬絞並全科

准

准者與真犯有間矣謂如准枉法准盜論但准其罪不在除名刺字之例罪止杖一百流三千里

分

皆

皆者不分首從一等科罪謂如監臨主守職役同情盜所監守官物併賊滿貫皆斬之類

八

各

各者彼此同科此罪謂如諸色人匠撥赴內各府工作若不親自應役雇人冒名私自代替及替之人各杖一百之類

字其

其者變於先意謂如論八議罪犯先奏請議其犯十惡不用此律之類

及

及者事情連後謂如彼此俱罪之賊及應禁之物則沒官之類

之

即

即者意盡而復明謂如犯罪事發在逃者衆證明白即同獄成之類

義若

若者文雖殊而會上意謂如犯罪未老疾等發時老疾以老疾論若在徒年限內老疾者亦如之之類

在京納贖諸例橫圖

做工米 灰 軌 碎軌水礮石

折錢 老疾

算

一箇月米五斗一千二百箇 二千八百斤 二千二

穀 一百斤 一百斤

二十

一箇月米二石一千八百五箇 二千三百斤 二千八

月 穀 一百斤 一百斤

三十

一箇月米三石二千四百五箇 三千六百斤 三千四俱

穀 一百斤 一百斤

四十

一箇月米四石三千七百七箇 四千五百斤 三千斤

月 穀 一百斤 一百斤

五十

三箇月米石_五三千六百一十八千四百六十六斤_三六

穀石_五百斤十箇_五十斤_五百斤

三十

四箇月米六石四千二百四十九千八百三十四千二百俱_三文

穀九石百斤五箇_五百斤十斤_五百斤

二十

四箇月米七石四千八百二十八萬三千八百二十四千八

月穀石_五百斤十箇_五二百斤十斤_五百斤

十

五箇月米八石_五萬三千九百二十五千四

穀石_五百斤五箇_五六百斤十斤_五百斤

五

五箇月米九石六千三百五十二萬四千二百六十六斤

月穀石_五十箇_五千斤十斤

二

六箇月米十石六千六百八十八萬三千二百六十六斤

穀石_五百斤十五箇_五四百斤二十斤_五六斤俱_三文

三年

照徒 米千石一萬二
年限 穀壹萬千石

六百箇

二萬四千七
千斤百斤千

六文

二年半

米千石一萬八
穀千石千石

九百箇

二萬六千六
千斤百斤千

二年

米千石二萬四
穀千石千石

百箇

四萬八千五
千斤百斤千

九文

二年半

米千石三萬斤
穀千石千石

百箇

六萬斤十三
千斤百斤千

三年

米千石三萬六
穀千石千石

百箇

七萬二千五
千斤百斤千

十二文

流罪

米千石四萬
穀千石千石

百箇

八萬四千八
千斤百斤千

雜犯死罪

未五十石 六萬四千三千二十二萬
穀七千三百斤 百箇 八千斤

九千斤

六萬四千
三百斤

在外納贖諸例橫圖

無力有力 稍有力

收贖律鈔贖罪例鈔錢鈔銀

贖鈔銀後
贖金犯者
贖銀典

依律照例納價

老幼婦人
軍職正妻
即件人犯
例難酌處
有力者
該贖鈔者

舊例

折銀庫

照儀從
事例

折銀三兩
折銀三錢
折銀三兩
折銀三錢
折銀三兩
折銀三錢

今定

折銀庫

照儀從
事例

折銀三兩
折銀三錢
折銀三兩
折銀三錢
折銀三兩
折銀三錢

五十

米五十
穀一石

三錢

二十

米一石
穀二石

四錢

三十

米一石
穀三石

六錢

四十

米二石
穀四石

七錢

五十

米三石
穀五石

九錢

六十

米六石
穀十石

兩錢

錢百文折銀壹兩

折銀壹兩

銀壹兩

折銀二錢

銀壹兩

折銀壹兩

銀壹兩

銀壹兩

文折銀壹兩

銀壹兩

銀壹兩

銀壹兩

銀壹兩

銀壹兩

銀壹兩

銀壹兩

七

米七石

西錢五

銀四貫百鈔五貫五錢五厘
各打銀五十二貫新買
銀五毫 各打銀五錢五厘

十

米八石

西錢五

銀四貫百鈔五貫五錢五厘
折銀六分 折銀八錢 鈔百貫

九

米九石

西錢五

銀四貫百鈔五貫五錢五厘
折銀六分七 折銀百貫
銀五毫 折銀九錢 鈔百貫

一百

以上俱米十石
的決 穀千石

西錢

銀四貫百鈔五貫五錢五厘
每枚一百
銀五毫 折銀九錢 鈔百貫

連橋

金銀銅錢 使清價量
折人 輕

七

以下俱米十五石
民屋站
五石有 穀千石

西錢

銀四貫百鈔五貫五錢五厘
折銀六分 折銀八錢 鈔百貫
銀五毫 折銀九錢 鈔百貫

半

半

半

半

半

半

米千石

穀四石

米千石

穀五石

米千石

穀六石

米千石

穀七石

五兩錢

七兩錢

九兩

十兩錢

錢十五貫

折銀三錢

錢十八貫

折銀三錢

錢二十一貫

折銀三錢

錢二十四貫

折銀三錢

錢二十七貫

折銀三錢

錢三十貫

折銀三錢

鈔九貫

折錢四文

鈔十二貫

折錢五文

鈔十五貫

折錢五文

鈔十八貫

折錢五文

鈔二十一貫

折錢五文

鈔二十四貫

折錢五文

杖七十連徒

共折杖一百

杖六十連徒

共折杖一百

杖五十連徒

共折杖一百

杖四十連徒

共折杖一百

杖三十連徒

共折杖一百

杖二十連徒

共折杖一百

杖七十連徒

共折杖一百

杖六十連徒

共折杖一百

杖五十連徒

共折杖一百

杖四十連徒

共折杖一百

杖三十連徒

共折杖一百

杖二十連徒

共折杖一百

二千里

總替單

犯五年

絞斬

逆失殺

贖鈔圖

銀四錢

流杖并杖贖銀二百

米四十石
穀十石
西四錢

二千四百六十斤

軍功有
力納米年滿
後職帶俸
穀五十石
千八兩

折杖
沙三六貫

鈔四十二貫
折銀五錢二
分五厘

本議者流
三千里加
役三年

依律收贖鈔四十二貫內鈔八分該三十三貫
六百文銅錢二分該八千四百文給付其家

誣輕為重已決全抵剩罪未決徒限內老
答杖收贖徒流杖一百餘收贖疾收贖

十一 十二 十三 十

假如告人答二十內止一十實
已決全抵剩二十之罪未決收
贖一貫二百文

四十

假如告人笞四十內止一十實
已決全抵剩二十之罪未決者
收贖一貫八百文

五十

假如告人笞五十內止二十實
已決全抵剩三十之罪未決者
收贖一貫八百文

杖六十

假如告人杖六十內止二十實
已決全抵剩四十之罪未決者
收贖二貫四百文

七十

假如告人杖七十內止三十實
已決全抵剩四十之罪未決者
收贖二貫四百文

十八

假如告人杖八十內止三十實
已決全抵剩五十之罪未決收
贖三貫

十九

假如告人杖九十內止四十實
已決全抵剩五十之罪未決收
贖三貫

一百

假如告人杖一百內止四十實
已決全抵剩六十之罪未決收
贖三貫六百文

一百

徒杖
一十六
年十

假如告人杖六十徒一年內止
已決全抵剩杖一十
徒一年之罪未決收贖四貫一百文
並杖共七十收贖四貫一百文
每月贖七十文

除杖外徒該公負四百
文計未役每日贖鈔三
十三文二分釐三毫

年 百	三 一	半 十	年 九	二 一	年 十	二 一	半 十	年 七	一 一
百一	杖一	杖一	杖一	杖一	杖一	杖一	杖一	杖一	杖一
餘百	徒三	共徒	利杖	止杖	收杖	杖八	杖六	年十	年十
二並	年之	杖一	杖三	杖六	罪未	杖十	杖十	並之	告人
十杖	實已	一百	十徒	十徒	決者	實已	杖一	杖一	杖一
收共	罪未	收杖	杖一	杖一	徒二	全決	杖一	杖一	杖一
贖一	決全	贖杖	杖一	杖一	年折	抵杖	杖一	杖一	杖一
貫二	徒三	七十	杖一	杖一	杖一	杖一	杖一	杖一	杖一
百止	年折	杖一	杖一	杖一	杖一	杖一	杖一	杖一	杖一
文杖	杖一	杖一	杖一	杖一	杖一	杖一	杖一	杖一	杖一
一	杖一	杖一	杖一	杖一	杖一	杖一	杖一	杖一	杖一
七釐	贖一	除杖	每六	除杖	三釐	三釐	贖六	日贖	除杖
釐每	十六	外徒	百文	外徒	五釐	五釐	鈔六	鈔二	外徒
月五	文六	該一	計未	該一	五釐	五釐	百文	十文	該一
百文	分	十	後	十	文	文	月	月	十

1764

1

•

•



大明律例目錄

名例律計四十七條

五刑

十惡

八議

應議者犯罪

職官有犯

軍官有犯

文武官犯公罪

文武官犯私罪

應議者之父祖有犯

軍官軍人犯罪免徒流

犯罪得累減

以理去官

無官犯罪

除名當差

流囚家屬

常赦所不原

徒流人在道會赦

犯罪存留養親

工樂戶及婦人犯罪

徒流人又犯罪

老小廢疾收贖

犯罪時未老疾

給沒贓物

犯罪自首

二罪俱發以重論

犯罪共逃

同僚犯公罪

公事失錯

共犯罪分首從

犯罪事發在逃

親屬相為容隱

吏卒犯死罪

處決叛軍

殺害軍人

在京犯罪軍民

化外人有犯

本條別有罪名

加減罪例

稱乘輿車駕

稱期親祖父母

稱與同罪

稱監臨主守

稱日者以百刻

稱道士女冠

斷罪依新頒律

斷罪無正條

徒流遷徙地方

吏律 共計三十三條

職制計一十五條

選用軍職

大臣專擅選官

文官不許封公侯

官自襲蔭

濫設官吏

貢舉非其人

舉用有過官吏

擅離職役

官負赴任過限

無故不朝參公座

擅勾屬官

官吏給由

姦黨

交結近侍官員

上言大臣德政

公式計一十八條

講讀律令

制書有違

棄毀制書印信二條

上書奏事犯諱

事應奏不奏

出使不復命

漏泄軍情大事

官文書稽程

照刷文卷

磨勘卷宗

同僚代判署文案

增減官文書

封掌印信

漏使印信

漏用鈔印

擅用調兵印信

信牌

戶律 共計九十五條

戶役 計一十五條

脫漏戶口

人戶以籍為定

私剽庵院及私度僧道

立嫡子違法

收留迷失子女

賦役不均

丁夫差遣不平

隱蔽差役

禁革主保里長

逃避差役

點差獄卒

私役部民夫匠

別籍異財

卑幼私擅用財

收養孤老

田宅計一十一條

欺隱田糧

檢踏災傷田糧

功臣田土

盜賣田宅

任所置買田宅

典賣田宅

盜耕種官民田

荒蕪田地

棄毀器物稼穡等

擅食田園瓜果

私借官車船

婚姻計一十八條

男女婚姻

典雇妻女

妻妾失序

逐婿嫁女

居喪嫁娶

父母囚禁嫁娶

同姓為婚

尊卑為婚

娶親屬妻妾

娶部民婦女為妻妾

娶逃走婦女

強占良家妻女

娶樂人為妻妾

僧道娶妻

良賤為婚姻

蒙古色目人為婚姻

出妻

嫁娶 律主婚媒人罪

倉庫計二十日條

鈔法

錢法

收糧違限

多收稅糧斛面

隱匿費用稅糧課物

攬納稅糧

底出通關硃鈔

計餘錢糧私下補數

私借錢糧

私借官物

那移出納

庫秤雇役侵欺

冒支官糧

錢糧互相覺察

倉庫不覺被盜

守支錢糧及擅開官封

出納官物有違

收支留難

起解金銀足色

損壞倉庫財物

轉解官物

擬斷賊罰不當

守掌在官財物

隱瞞入官家產

課程計一十九條

鹽法一十二條

監臨勢要中鹽

阻壞鹽法

私茶

私禁

匿稅

舶商匿貨

人戶虧兌課程

錢債計三條

違禁取利

費用受寄財產

得遺失物

市廛計五條

私充牙行埠頭
市司評物價

把持行市
私造斛斗秤尺

器用布絹不如法

禮律共計二十六條

祭祀 計六條

祭享

毀大祀丘壇

致祭祀典神祇

厯代帝王陵寢

褻瀆神明

禁止師巫邪術

儀制 計二十條

合和御藥

乘輿服御物

御賜衣物

失誤朝賀

收藏禁書及私習天文

失儀

奏對失叙

朝見留難

上書陳言

見任官輒自立碑

禁止迎送

公差人負欺凌長官

服舍違式

僧道拜父母

失占天象

術士妄言禍福

匿父母夫喪

棄親之任

喪葬

鄉飲酒禮

兵律共計七十五條

宮衛計一十九條

太廟門擅入

宮殿門擅入

宿衛守衛人私自代替

從駕稽遲

直行御道

內府工作人匠替役

宮殿造作罷不出

輒出入宮殿門

關防內使出入

向宮殿射箭

宣稱人兵仗

禁絕斷人充宿衛

便突儀仗三條

行宮營門

越城

門禁鎖鑰

懸帶關防牌面

軍政計二十條

擅調官軍

申報軍務

飛報軍情

邊境申索軍需

失悞軍事

從征違期

軍人替役

主將不固守

縱軍擄掠

不操練軍士

激變良民

私賣戰馬

私賣軍器

毀棄軍器

私藏應禁軍器

縱放軍人歇役

公侯私役官軍

從征守禦官軍逃

優恤軍屬

夜禁

關津計七條

私越冒度關津

通送逃軍妻女出城

詐冒給路引

關津留難

私役弓兵

盤詰姦細

私出外境及違禁下海

廐牧計一十一條

牧養畜產不如法

孳生馬匹

驗畜產不以實

養療瘦病畜產不如法

乘官畜脊破領穿

官馬不調習

宰殺馬牛

畜產咬踢人

隱匿孳生官畜產

私借官畜產

公使人等索借馬匹

郵驛計一十八條

遞送公文三條

邀取實封公文

舖舍損壞

私役舖兵

驛使稽程

多乘驛馬

多支廩給

文書應給驛而不給

公事應行稽程

占宿驛舍上房

乘驛馬齎私物

私役民夫臺轎

病故官家屬還鄉

承差轉雇寄人

乘官畜產車船附私物

私借驛馬

刑律共計一百七十一條

賊盜計二十八條

謀反大逆

謀叛

造妖書妖言

盜大祀神御物

盜制書

盜印信

盜內府財物

盜城門鑰

盜軍器

盜園陵樹木

監守自盜倉庫錢糧

常人盜倉庫錢糧

強盜

刼囚

白晝搶奪

竊盜

盜馬牛畜產

盜田野穀麥

親屬相盜

恐嚇取財

詐欺官私取財

略人略賣人

發塚

夜無故入人家

盜賊窩主

共謀為盜

公取竊取皆為盜

起除刺字

人命計二十條

謀殺人

謀殺制使及本管長官

謀殺祖父母父母

殺死姦夫

謀殺故夫父母

殺一家三人

採生折割人

造畜蠱毒殺人

鬪毆及故殺人

屏去人服食

戲殺誤殺過失殺傷人

夫毆死有罪妻妾

殺子孫及奴婢圖賴人

弓矢傷人

車馬殺傷人

庸醫殺傷人

窩弓殺傷人

威逼人致死

尊長為人殺私和

同行知有謀害

鬪毆計二十二條

鬪毆

保辜限期

宮內忿爭

皇家袒免以上親被毆

毆制使及本管長官

佐職統屬毆長官

上司官與統屬官相毆

九品以上官毆長官

拒毆追攝人

毆受業師

威力制縛人

良賤相毆

奴婢毆家長

妻妾毆夫

同姓親屬相毆

毆大功以下尊長

毆期親尊長

毆祖父母父母

妻妾與夫親屬相毆

毆妻前夫之子

妻妾毆故夫父母

父祖被毆

罵詈計八條

罵人

罵制使及本管長官

佐職統屬罵長官

奴婢罵家長

罵尊長

罵祖父母父母

妻妾罵夫期親尊長

妻妾罵故夫父母

訴訟計十二條

越訴

投匿名文書告言人罪

告狀不受理

聽訟迴避

誣告

干名犯義

子孫違犯教令

見禁囚不得告異

教唆詞訟

軍民約會詞訟

官吏詞訟家人訴

誣告充軍

受贓計一十一條

官吏受財

坐贓致罪

事後受財

有事以財請求

在官求索借貸人財物

家人求索

風憲官吏犯贓

因公擅科歛

私受公侯財物

剋留盜賊

官吏聽許財物

詐偽計一十二條

詐為制書

詐傳詔旨

對制上書詐不以實

偽造印信曆日等

偽造寶鈔

私鑄銅錢

詐假官

詐稱內使等官

近侍詐稱私行

詐為瑞應

詐病死傷避事

詐教誘人犯法

犯姦計一十一條

犯姦

縱容妻妾犯姦

親屬相姦

誣執翁姦

奴及雇工人姦家長妻

姦部民妻女

居喪及僧道犯姦

良賤相姦

官吏宿娼

買良為娼

雜犯計一十一條

許毀申明亭

夫匠軍士病給醫藥

賭博

閹割火者

屬託公事

私和公事

失火

放火故燒人房屋

搬做雜劇

違令

不應為

捕亡計八條

應捕人追捕罪人
罪人拒捕

獄囚脫監及反獄在逃

徒流人逃

稽留徒囚

主守不覺失囚

知情藏匿罪人

盜賊捕限

斷獄計一十九條

囚應禁而不禁

故禁故勘平人

淹禁

凌虐罪囚

與囚金刃解脫

主守教囚反異

獄囚衣糧

功臣應祭親人入視

死囚令人自殺

老幼不拷訊

鞠獄停囚待對

依告狀鞠獄

原書人事畢不放回 獄囚誣指平人

官司出入人罪 辯明冤枉

有司決囚等第 檢驗屍傷不以實

決罰不如法 長官使人有犯

斷罪引律令 獄囚取服辯

赦前斷罪不當 聞有恩赦而故犯

徒囚不應役 婦人犯罪

死囚覆奏待報 斷罪不當

吏典代寫招草

工律

共計十三條

營造

計九條

擅造作

虛費工力採石不堪用

造作不如法

冒破物料

帶造段疋

織造違禁龍鳳文段疋

造作過限

修理倉庫

有司官吏不住公廨

河防

計四條

盜決河防

失時不修隄防

侵占街道

修理橋梁道路

大明律目錄終

大明律卷之十三

巡撫保定等府兼提督紫荆等關都察院右副都御史臣張鹵校刊

名例

笞刑五

一十贖銅錢六百文

二十贖銅錢一貫二百文

三十贖銅錢一貫八百文

四十贖銅錢二貫四百文

五十贖銅錢三貫

杖刑五

六十贖銅錢三貫六百文

七十贖銅錢四貫二百文

八十贖銅錢四貫八百文

九十贖銅錢五貫四百文

一百贖銅錢六貫

徒刑五

一年杖六十贖銅錢一十二貫

一年半杖七十贖銅錢一十五貫

二年杖八十贖銅錢一十八貫

二年半杖九十贖銅錢二十一貫

三年杖一百贖銅錢二十四貫

流刑三

二千里杖一百贖銅錢三十貫

二千五百里杖一百贖銅錢三十三貫

三千里杖一百贖銅錢三十六貫

死刑二

絞斬贖銅錢四十二貫

十惡

一曰謀反

謂謀危

稷

二曰謀大逆

謂謀毀

宗廟

山陵及宮闈

三曰謀叛

謂謀背本國潛從他國

四曰惡逆

謂毆及謀殺祖父母父母。

夫之祖父母。父母。殺伯叔父母。姑。

兄。姊。外祖父母。及夫者。

五曰不道

謂殺一家非死罪三人。及

支解人。若採生。造畜蠱毒。魘魅。

六曰大不敬。謂盜大祀神御之物。乘與服御物。盜及偽造御寶。合和御藥。誤不依本方。及封題錯。誤若造御膳。誤犯食禁。御幸舟船。誤不堅固。

七曰不孝。謂告言。咒罵祖父母。父母。夫之祖父母。父母。及祖父母。父母。在別籍異財。若奉養有缺。○居父母喪。身自嫁娶。若作樂釋服從吉。聞祖父母。父母喪。匿不舉哀。詐稱。

祖父母。父母死。

(八曰不睦)謂謀殺。及賣緦麻以上親。

毆告夫。及大功以上尊長。小功尊屬。

(九曰不義)謂部民殺本屬知府。知州。

知縣。軍士殺本管指揮。千戶百戶。

吏卒殺本部五品以上長官。若殺。

見受業師。及聞夫喪匿不舉哀。若。

作樂釋服從吉。及改嫁。

(十曰內亂)謂姦小功以上親。父祖妾。

及與和者

八議

一曰議親。謂皇家袒免以上親。及太皇太后。皇太后。皇太后。總麻以上親。皇后。小功以上親。皇太子妃大功以上親。

二曰議故。謂皇家故舊之人。素得待見。時蒙恩待日久者。

三曰議功。謂能斬將奪旗。摧鋒萬里。或率衆來歸。寧濟一時。或開拓疆

字。有大勲勞。銘功太常者。

四曰議賢。謂有大德。行之賢人君子。共言。行可以為法則者。

五曰議能。謂有大才業。能整軍旅。治政事。為帝王之輔佐。人倫之師範者。

六曰議勤。謂有大將吏。護守官職。早夜奉公。或出使遠方。經涉艱難。有大動勞者。

七曰議賢。謂爵一。及文武職事官。

三品以上散官二品以上者

八曰議賓

謂承先代之後為國賓者

應議者犯罪

凡八議者犯罪實封奏聞取旨。不許擅自勾問。若奉旨推問者。開具所犯及應議之狀。先奏請議。議定奏

聞取自上裁

其犯者謂原其本情
於奏本之內

動或貴賓應議之功人所犯之事

方實推問取責明白招伏開推具應得

之罪。先奏請令五軍都督府。四議院刑部。監察御史。斷事官。集議議定。奏聞。至死者。准云。犯依律合死。不敢正言絞斬。取自上裁。
其犯十惡者。不用此律。

職官有犯

凡京官。及在外五品以上官。有犯奏聞請旨。不許擅問。六品以下。聽分巡御史。按察司。并分司。取問明白。議擬聞奏。區處。○若府州縣官。犯罪。所轄上司。不得擅自勾問。止許

開具所犯事由。實封奏聞。若許准
推問。依律議擬回奏。候委官審實。
方許判決。○其犯應該答決。罰俸
收贖紀錄者。不在奏請之限。○若
所屬官。被本管上司非理陵雪。亦
聽開具實跡。實封徑直奏陳。

（軍官有犯）

凡軍官犯罪。從本管衙門開具事由。
申呈五軍都督府。奏聞。請旨取問。

○若六部。察院。按察司。并分司。及有司。見問公事。但有干連軍官。及承告軍官。不公不法等事。須要密切實封奏聞。不許擅自勾問。○若奉旨推問。除答罪收贖。明白回奏。杖罪以上。須要論功定議。請旨區處。○其管軍衙門首領官有犯不在此限。

文武官犯公罪

凡內外大小軍民衙門官吏犯公罪該答者。官收贖。吏每季類決。不必附過。杖罪以上。明立文案。每年一考。紀錄罪名。九年一次通考。所犯次數重輕。以憑黜陟。

（文武官犯私罪）

凡文官犯私罪。答四十以下。附過還職。五十解見任。別叙。杖六十降一等。七十降二等。八十降三等。九十

降四等俱解見任。流官於雜職內叙用。雜職於邊遠叙用。杖一百者。罷職不叙。○若軍官有犯私罪。該答者。附過收贖。杖罪解見任。降等叙用。該罷職不叙者。降充總旗。該徒流者。照依地畧遠近。發各衛充軍。若建立事功。不次擢用。○若未入流品官。及吏典有犯私罪。答四十者。附過各還職役。五十罷見役。

別敘。犯罪並罷職後不敘。

（應役者之父祖有犯）

凡應八議者之祖父母父母妻及子孫犯罪實封奏聞取旨不許擅自勾問。若奉旨推問者開具所犯及應議之狀先奏請議議定奏聞取旨上裁。○若皇親國戚及功臣之外祖父母伯叔父母姑兄弟姊妹女婿兄弟之子若四品五品官之

父母妻及應合襲廕子孫犯罪從

有司依律追問議擬奏聞取自上

裁○其犯十惡反逆緣坐及姦盜

殺人受財枉法者不用此律○其

餘親屬奴僕管莊佃甲倚勢害

良民凌犯官府者加常人罪一等

止坐犯人不在上請之律其餘親屬

護國戚及功臣之房族兄弟伯叔母舅母姨夫姑夫妻兄弟兩姨夫

外甥妻姪之類及家人伴當管莊佃甲倚伏威勢害良民凌犯官府

府者。事發不須奏聞。比常人加罪一等。科斷止坐犯人本身。

○

若各衙門追問之際。占悽不發者。

並聽當談官司實封奏聞區處。

有謂

人於本管衙門告發。差人勾問其皇親國戚及功臣。占悽不發出官

者。並聽當談官司實封奏聞區處。

軍官軍人犯罪免徒流

凡軍官軍人犯罪律該徒流者各決

杖一百。徒五等皆發二千里內衛

分充軍。流三等照依地里遠近發

各衛充軍。該發邊遠充軍者。依律

發遣。並免刺字。○若軍丁軍吏及

校尉犯罪。俱准軍人擬斷。亦免徒

流刺字。

軍丁。謂軍官軍人。餘丁軍吏。謂入伍請糧軍人。能識

字。選充軍吏者。犯罪。與軍人同。若係各處吏員。發充請俸司吏者。與

府州縣司吏一體科斷罪

犯罪得累減

凡一人犯罪。應減者。若為從減。

謂共

以造意者為首。自首減。謂犯法知人。隨從者減一等。欲謂犯法而自首。

者。聽減。故失減。放謂吏典故出人罪

等。首領官不知情。以失論。失出減一

五等。比吏典又減一等。通減七等。

公罪遞減之類。謂司會化公罪失

等。若未決放。又減一等。遞減四等。

首領官減五等。佐貳官減六等。長

等。減七等。並得累減。如此之類俱

以理去官。

凡任滿得代。改除致仕等官。與見任

同。謂不區犯罪五等任者。若沙汰

首。並與見任同。命封贈官與正官

同。其婦人犯夫及義絕者，得與其

子之官品同。謂婦人雖與夫家義絕，及夫在被出，其子

有官者，得與子之官品同。為母子無絕道故也。犯罪者，並

依職官犯罪律擬斷。

無官犯罪

凡無官犯罪，有官事發，公罪亦得收

贖。紀錄○卑官犯罪，遷官事發，在

任犯罪，去任事發，犯公罪，答以下

勿論。杖以上紀錄通考。為事黜革。

笞杖以上皆勿論。若事干埋沒錢糧遺失官物罪雖紀錄勿論。事須追究明白。但犯一應私罪並論如律。遷官者謂改除及差委權攝隣近官司得代去任者謂考滿下憂致仕之類。○其吏典有犯公私罪名亦依上擬斷。

除名當差

凡職官犯罪罷職不敘追奪除名者官爵皆除。僧道犯罪曾經決罰者。

並令還俗。軍民所竄。各從本色。發還原籍當差。

流囚家屬

凡犯流者。妻妾從之。父祖子孫欲隨者聽。遷徙安置人家口亦准此。若流徙人身死。家口雖經附籍。願還鄉者放還。其謀反逆叛及造畜蠱毒。若採生折割人殺一家三人。會赦猶流者。家口不在聽還之律。

所不原

凡犯十惡。殺人。盜。係官財物。及強盜。竊盜。放火。發塚。受枉法。不枉法。賊。詐偽犯姦。略人。略賣。和誘人口。若姦黨及讒言。左使殺人。故出入人罪。若知情故縱聽行。藏匿引送說事過錢之類。一應真犯。雖會赦並不原宥。謂故意犯罪。非得罪者。其過雖會赦。皆不免罪。誤犯罪。謂過失殺傷人。失火。及誤毀遺失官物之類。及

因人連累致罪

謂因別人犯罪連累以得罪者如人

犯罪失覺察國防鈴若官吏有犯

公罪

謂官吏人等因公事得罪及失出入人罪若文書遲錯之

類並從赦原

謂會赦皆得免罪其赦書臨

時定罪名特免

謂赦書不言常赦所不原臨時定立

罪名寬宥者特從赦原

及減降從輕者謂降死從

流從徒徒不在從杖之類

不在此限謂皆不在常赦所不

原之

徒流人在道會赦

凡徒流人在道會赦計行程過限者

不得以赦放

謂如流三千里日行五十里合該六十日

程若未滿六十日會赦不問已行遠近並從赦放若從起程日總計

行過路在程有違限者不在赦限有故者不用此律

有故謂如沿途急病或阻風故除有所在官司保勘文憑者皆聽除

去事故日數不入程限故事故不用此律若曾在逃雖

在程限內亦不放免其逃者身死

所隨家口願還者聽遷徒安置人

准此○其徒流遷徒安置人已至

配所及犯謀反逆叛緣坐應流若
造畜蠱毒採生拆割人殺一家三
人會赦猶流者並不在赦放之限
犯罪存留養親

凡犯死罪非常赦所不原者而祖父
母父母老疾應侍家無以次成丁
者開具所犯罪名奏聞取自上裁
若犯徒流者止杖一百餘罪收
存留養親。

工樂戶及婦人犯罪

凡工匠樂戶犯流罪者三流並決杖一百留住拘役四年。若欽天監天文生習業已成能專其事犯流及徒者各決杖一百餘罪收贖。犯謀反逆殺一家三人。造畜蠱毒。採生剖及犯竊盜者。不在流住之限。餘罪收贖。謂犯杖一百流三千里者。決杖一百贖銅錢二十貫。杖一百徒三年者。決杖一百贖銅錢一十八貫之類。餘○其婦人犯罪應決杖

贖之類。餘條准此。

○其婦人犯罪應決杖

者姦罪去衣受刑餘罪單衣決罰
皆免刺字。若犯徒流者決杖一百
餘罪收贖。

徒流人又犯罪

凡犯罪已發又犯罪者從重科斷已
徒已流而又犯罪者依律再科後
犯之罪其重犯流者依舊在法三
流並決杖一百於配所拘役四年
若犯徒者依所犯杖數該徒半

決訖應役亦總不得過四年謂先

年已役一年又犯徒三年者止加杖一百徒一年之類則總徒不得

過四年三流雖並杖一百俱役四年看先犯徒年未滿者亦止總役

和其杖罪以下亦各依數決之其

應加杖者亦如之謂工樂戶及婦人犯者亦依律

之利

老小廢疾收贖

凡年七十以上十五以下及廢疾犯

流罪以下收贖其犯死罪及犯謀反逆叛緣坐應流

若造畜蠱毒株生折割人殺一家
三人家口會赦猶流者不用此律

其餘侵殺於人。一應罪名並聽收贖。八十以上十歲

以下及篤疾犯叛逆殺人應死者

議擬奏聞。取自上裁。盜及傷人者

亦收贖。謂既侵損於人。故不餘皆

勿論。謂除及傷人者。收贖之外。其餘

有犯。皆九十以上七歲以下。雖有

死罪。不加刑。九十以上犯反。其有

人教令。坐其教令者。若有賊。應償

受贓者償之

謂九十以上。七歲以下。皆少智力。若

有教令之者。非坐教令之人。或盜財物。傍人受而將用。受用者償之。

若老小。自用還着。老小之人追徵。

犯罪時未老疾

凡犯罪時雖未老疾。而事發時老疾

者。依老疾論

謂如六十九以下。無

疾時犯罪。有廢疾後事發。得依老疾收贖。或七十九以下。犯死罪。八十

十事發。或廢疾時犯罪。為疾時事發。得入上請。八十九犯死罪。九十

勿事發。得入類。若在徒年限內老疾。亦

如之。謂如未滿十九以下。徒役三年。

時無病。徒役年限內成廢疾。並聽

准老疾收贖。以徒一年。成廢疾。並聽

日。為率。驗談贖錢數。折役收贖。假

如有。人犯杖六十。徒一年。總談贖錢一

罪。拘役五箇月。一年之後。犯人老疾。合

將杖六十。徒一年。總談贖錢一

二貫。除已受杖六十。准錢三貫六

伯文。談判。徒一年。贖錢八貫四伯

文。計筭。每徒一月。該錢七百元。已

後五箇月。准錢三貫五伯文。外有

未後七箇月。談收贖錢四貫九伯

文之類。其餘徒役年限贖錢不等。伯

各行照數。犯罪時幼小。事發時長

折筭收贖。犯罪時幼小。事發時長

大。依幼小論。謂如七歲。犯死罪。八

歲。論十歲。論

人。十一歲事發。仍得上請。十五歲時作賊。十六歲事發。仍以贖論。

給沒贖物

凡彼此俱罪之賊。

謂犯受財枉法。不枉法。計贓為罪者。

及犯禁之物。

謂如應禁兵器。及禁書之類。

則入

官。若取與不和。用強生事。逼取求

索之贓。並還主。

謂恐嚇詐欺。強買賣。有餘利。科飲及

之需。其犯罪應合籍沒財產。赦書

到後。罪雖決訖。未嘗抄劄入官者。

並從赦免。其已抄劄入官守掌及

犯謀反逆叛者並不放免。若罪未處決物雖送官未經分配者猶為未入其緣坐人家口。雖已入官罪人得免者亦從免放。○若以賊入罪

正賊見在者還官主。

謂官物還官。又

若本驢是驢轉易得馬及馬生已駒。羊生羔。畜產著息皆為見在。已

費用者若犯人身死勿徵。

別犯身死者亦

同。餘皆徵之。若計雇工賃錢為賊者亦不徵。○其估賊者皆據犯處

當時中等物。價估計定罪。若計雇
工錢者。一人一日為銅錢六十文。
其牛馬駝騾驢車船碾磨店舍之
類。照依犯時雇工賃直。賃錢雖多。
各不得過其本價。謂船賃值銅錢
一十貫。不得
追賃錢一十貫之類。○其贓罰金銀。並照
犯人原供成色。從實追徵入官。給
主。若已費用不存者。追徵足色。謂
人
原盜或取受正贓金銀
使用不存者。並追足色。

犯罪自首

凡犯罪未發而自首者免其罪猶徵

正賊謂如枉法不枉法賊徵入官用強生事逼取詐欺科欽求

索之類及強竊其輕罪雖發因首盜賊徵給主

重罪者免其重罪謂如竊盜等發自首又會私鑄

銅錢得免鑄錢之罪止科竊盜罪若因問被告之

事而別言餘罪者亦如之謂因犯私鑄事

發彼問不加拷訊又自別言會竊盜牛又會詐欺人財物止科私鑄

之罪餘罪俱其遣人代首若於法得免之類

得相容隱者為首。及相告言者。各聽如罪人身自首法。其遣人代首。罪遣乙代首。不限親疎。亦同自首。免罪。若於法得相容隱者。為首。謂同居及大功以上親。若姪姪姪。皆與罪人為家長首。及相告言者。皆與罪人自首得減。凡免罪。其小功之親。亦得減一等。如謀反逆叛。未行。若親屬首告。或擒送。到官者。其正犯人。與不同自首。律免罪。若已行者。正犯人。不免其餘。應坐人。亦同自首。律免。若自首不實。及不盡者。以不實不盡之罪。罪之至死者。聽減一

等。計自首賊數不盡者止其知人欲

告及逃叛而自受者。減罪二等。坐

之。其逃叛者雖不自首。能還歸本

所者。減罪二等。○其損傷於人。因

殺傷。仍從故殺傷法。本因過失者。聽

從本。○於物不可賠償。謂如印信

禁兵器及禁書之類。私家既不合

有。是。不可償之物。不准首。若本物

見在。首者。聽事發在逃。所犯不得首

同。首法免罪。事發在逃。所犯不得首

得。減二等。走若私越度關及姦并私

之罪。減二等。走若私越度關及姦并私

習天文者。並不在自首之律。○若強竊盜詐欺取人財物。而於事主處首服。及受人枉法。不枉法贓悔過。回付還主者。與經官司自首同。皆得免罪。若知人欲告。而於財主處首還者。亦得減罪二等。其強竊盜。若能捕獲同伴解官者。亦得免罪。又依常人一體給賞。

二罪俱發以重論

凡二罪以上俱發以重者論罪各等
 者從一科斷若一罪先發已經論
 決餘罪後發其輕者勿論重者
 更論之通計前罪以充後數謂如
犯竊盜一次先發計贓一十貫已
杖七十一次後發計贓四十貫
杖一百合貼杖三十如有人祿節
次受人枉法贓八十貫內四十貫
先發已杖一百徒三年四貫後
發難同止累見發之贓合併取前
贓通計八十貫更科其應入官陪
全罪斷從處絞之類
 償刺字罷職罪止者各盡本法謂

人犯數罪。如枉法不枉法。賊。合入。
官。毀傷器物。合賠償。竊盜合刺字。
職官私罪。杖一百以上。合罷職。不
枉法。賊。一百二十貫以上。罪止杖
一百流三千里之
類。各盡本法擬斷

犯罪共逃

凡犯罪共逃亡。其輕罪囚。能捕獲重
罪囚。而首告。及輕重罪相等。但獲
一半以上首告者。皆免其罪。謂同

事發。或各犯罪事發。而共逃者。若
流罪囚。能捕死罪囚。徒罪囚。能捕
逃。內囚。首告。又如五人。而首告之類。

皆得免罪。若損傷人。及其因人連
姦者。不免。仍依常法。

累致罪。而罪人自死者。聽減本罪

二等。謂因別人犯罪連累。以得罪者。如藏匿引送資給罪人。及

保勘供證不實。或失覺察。闕防鈴束聽使之類。其罪人非被刑殺。而

自死者。又聽若罪人自首告。及遇

赦原免。或蒙特恩減罪收贖者。亦

准罪人原免減等贖罪法。謂因罪人連累

以得罪。若罪人在後自首告。或遇赦恩全免。或蒙特恩減一等。二等

或罰贖之類。皆依罪人全免減等收贖之法

同僚犯公罪

凡同僚犯公罪者

謂同僚官吏連署文案判斷公事差

錯而無私曲者

並以吏典為首首領官減

吏典一等佐貳官減首領官一等

長官減佐貳官一等

四等官內如

四等官通減科罪本銜門所設無四等官者止准見設自數通減

○若同僚官一人有私自依故出

入人罪論其餘不知情者止依失

出入人罪論

謂如同僚連署文案官吏五人若一人有

私。自依故出入人罪論。其餘四人。雖連署文案。不知有私者。止依失出入人罪論。仍依四等遞減科罪。○若申上司不

覺失錯。准行者。各遞減下司官吏

罪二等

謂如縣申州。州申府。府申布政司之類。若上

司行下所屬。依錯施行者。各遞減

上司官吏罪三等

謂如布政司行下府。府行下州。

州行下縣之類。亦各以吏典為首

公事失錯

凡公事失錯。自覺舉者。免罪。其同僚

官吏應連坐者一人自覺舉餘人

皆免罪

謂緣公事致罪而無私曲者事若未發露但同僚判

署文案官吏一人能檢舉○其斷

罪失錯已行論決者不用此律

謂

罪及笞杖已決訖流罪已至訖所徒罪已發訖此等並為已行論決

官司雖自檢舉皆不免罪各依失入人罪律減三等及官吏節級遞

減科之故云不用此律其失出人罪雖已決放若未發露能自檢舉

貼斷者皆得免其失錯之罪○其官文書稽程

應連坐者一人自覺舉餘人亦免

罪主典不免

謂文案小事五日程中事十日程大事二

十日程此外不了是名稽程。官人自檢舉者並得全免唯當談吏典

不若主典自舉者並減二等

謂當

典自檢舉者皆得減罪二等

共犯罪分首從

凡共犯罪者以造意為首隨從者減

一等○若家人共犯止坐尊長若

尊長年八十以上及篤疾歸罪於

共犯罪以次尊長

謂如尊長與卑幼共犯罪獨坐

尊長卑幼無罪如尊長年八十以上及篤疾於律不坐罪即以共犯

罪次長者當罪又如婦人為首仍獨男夫卑幼同犯雖婦人為首仍獨

坐男侵損於人者以凡人首從論

夫侵謂盜竊財物損謂鬪毆殺傷之類如父子合家同犯並依凡人首

從之法為其侵損於人是以不獨坐尊長○若共犯罪

而首從本罪各別者各依本律首

從論謂如甲引他人共毆親兄甲依弟毆兄杖九十徒二年半

他人依兄人鬪毆論笞二十又如卑幼引外人盜已家財物二十貫

卑幼依私擅用財加二等笞四十外人依兄盜從論杖七十之類

○若本條言皆者罪無首從不言
皆者依首從法○其犯擅入皇城
官殿等門及私越度關若避役在
逃及犯姦者亦無首從

無首從皆以
正犯科罪。

謂各自身
犯是以亦

犯罪事發在逃

凡二人共犯罪而有一人在逃見獲
者稱逃者為首更無證佐則決其
從罪後獲逃者稱前人為首鞫問

是實還依首論通計前罪。以充後數。○若犯罪事發而在逃者。衆證明白。即同獄成。不須對問。

親屬相為容隱

凡同居。

同居。謂同財共居親屬。不限籍之同異。雖無服者。亦是。

若大功以上親。

謂另居大功及外

祖父母。外孫。妻之父母。女婿。若孫

之婦。夫之兄弟。及兄弟。妻有罪相

為容隱。奴婢雇工人為家長隱者。

皆勿論。若漏泄其事。及通報消息。

致令罪人隱匿逃避者。亦不坐。有謂

得相容。隱之親屬。犯罪。官司追捕

息與罪人。使令隱匿。其小功以下相

容隱。及漏泄其事者。減凡人三等。

無服之親。減一等。謂另居。小功以下親屬。若

犯謀叛以上者。不用此律。謂雖有

犯謀反。謀大逆。謀叛。但容隱不首者。依律科罪。故云不用此律。

吏卒犯死者

凡在外各衙門吏典祇候禁子有犯
死罪從各衙門長官鞫問明白不
須申稟依律處決然後具由申報
本管上司轉達刑部奏聞知會。

處決叛軍

凡邊境城池若有軍人謀叛守禦官
捕獲到官顯跡證佐明白鞫問招
奉行移都指揮使司委官審問無
寃隨即依律處治具由申達五軍

都督府奏聞知會。若有布政司按察司去處。公同審問處治。如在軍前臨陣擒殺者。不在此限。

殺害軍人

凡殺死軍人者。依律處死。仍將正犯人。餘丁抵數充軍。

在京犯罪軍民

凡在京軍民。若犯杖八十以上者。軍發外衛充軍。民發別郡為民。

化外人有犯

凡化外人犯罪者並依律擬斷

本條別有罪名

凡本條自有罪名與名例罪不同者
依本條科斷若本條雖有罪名其
有所規避罪重者自從重論其本
應罪重而犯時不知者依凡人論

謂如叔姪別處生長素不相識姪
打叔傷官司推問始知是叔止依
凡人開法又如此別處竊盜偷得大
犯神御之物如此之類並是犯時

不知。常止。依凡論。本應輕者。聽從本
法。謂知止。依打子之。法。不。可。以。凡始

論

加減罪例

凡稱加者。就本罪上加重。謂如十人犯

一等。則即加坐笞五十。或犯杖六十。徒

一年。或犯杖七十。徒一年半。或犯杖一

百。徒二年。或犯杖一百。徒二年。或犯杖

二百。徒三年。或犯杖二百。徒三年。或犯杖

稱減者。就本

罪上減輕等。謂如人犯笞四、五十或杖一

六十。徒一年。減一等。即坐杖一百。

杖九十。徒二年。減一等。即坐杖一百。杖一百。徒二年。減一等。即坐杖一百。

一減。二死。謂絞斬。三流。謂流二千

為一。或如犯死罪。減一等。即坐流

三千里。或如犯死罪。減一等。即坐流

等。亦坐徒三年。加者。數滿乃坐。如謂

伯職。加至四十。雖少一十文。亦不得科

四十。類又加罪止於杖一百。流三

千里。不得加至於死。本條加入死

者依本條

加入紋者不加至新

稱乘輿車駕

凡稱乘輿車駕及御者太皇太后皇太后皇后並同稱制者太皇太后皇太后皇太子令並同

稱期親祖父母

凡稱期親及稱祖父母者曾高同稱孫者曾玄同嫡孫承祖與父母同

緣坐者各從祖孫本法

其嫡母繼母慈母養

母與親母同稱子者男女同者緣女

不同

稱與同罪

凡稱與同罪者止坐其罪至死者減
一等罪止杖一百流三千里不在
刺字絞斬之律若受財故縱與同
罪者全科至死絞其故縱謀反逆叛
者皆依本律○稱准枉法論准盜
論之類但准其罪亦罪止杖一百

流三千里。並免刺字。○稱以枉法論。及以盜論之類。皆與真犯同。刺字。絞斬。皆依本律科斷。

稱監臨主守

凡稱監臨者。內外諸司統攝所屬。有文案相關涉。及雖非所管百姓。但有事在手者。即為監臨。稱主守者。諛管文案吏典。專主掌其事。及守掌倉庫獄囚。雜物之類。官吏庫子。

斗級攢欄。禁子並為主守。其職雖非統屬。但臨時差遣。管領提調者。亦是監臨主守。

稱日者以百刻

凡稱一日者。以百刻計工者。從朝至

暮。稱一年者。以三百六十日。稱人

年者。以籍為定。

附謂稱人年紀。以籍年甲為准。稱

衆者。三人以上。稱謀者。二人以上。

謀狀顯明。

一人同二人。明白者。雖

稱道士女冠

凡稱道士女冠者僧

若於其受

業師與伯叔父母同

受業師謂如寺觀之內親

承經教合其於弟子與兄弟之子

同。

斷罪依新頒律

凡律自頒降日為始若犯在已前者

並依新律擬斷。

斷罪無正條

元律令該載不盡事理。若斷罪而
正條者。引律比附。應加應減。定擬
罪名。轉達刑部。議定奏聞。若輒斷
決。致罪有出入者。以故失論。

徒流遷徙地方

徒役各照所徒年限。並以到配所之
日為始。發鹽場者。每日煎鹽三斤。
鐵冶者。每日炒鐵三斤。另項結課。
直隸府州 江南發山東鹽場

江北發河澗鹽場

福建布政司府分發兩淮鹽場

浙江布政司府分發山東鹽場

江西布政司府分發恭安萊蕪等

處鐵冶

湖廣布政司府分發廣東海北鹽場

河南布政司府分發浙東鹽場

山東布政司府分發浙東鹽場

山西布政司府分發鞏昌鐵冶

北平布政司府分發平陽鐵冶

陝西布政司府分發大寧綿州鹽井

廣西布政司府分發兩淮鹽場

廣東布政司府分發浙西鹽場

海北海南府分發進賢新喻鐵冶

四川布政司府分發黃梅興國鐵冶

流三等照依地里遠近定發各處

荒蕪及瀕海州縣安置

直隸府州流陝西

福建布政司府分流山東北平

浙江布政司府分流山東北平

江西布政司府分流廣西

湖廣布政司府分流山東

河南布政司府分流福建

山東布政司府分流福建

山西布政司府分流福建

北平布政司府分流福建

陝西布政司府分流福建

廣西布政司府分流廣東
廣東布政司府分流福建
四川布政司府分流廣西
邊遠充軍

直隸府州

江南發 定遼都指揮使司

山西都指揮使司所轄

北平都指揮使司所轄 永寧衛

陝西都指揮使司所轄 蘭州衛

河州衛

江北發

廣東都指揮使司所轄

海南衛

四川都指揮使司所轄

貴州衛

雅洲千戶所

福建布政司府分發北平都指揮

使司所轄

永平衛

浙江布政司府分發定遼都指揮使司

江西布政司府分發山西都指揮使司

湖廣布政司府分發山西都指揮使司

河南布政司府分發廣西都指揮使司所轄

南寧衛

太平千戶所

山東布政司府分發廣東都指揮使司所轄

海南衛

山西布政司府分發廣東都指揮使司所轄

海南衛

北平布政司府分發廣西都指揮

使司所轄

南寧衛

太平千戶所

陝西布政司府分發廣西都指揮使司所轄

南寧衛

太平千戶所

廣西布政司府分發陝西都指揮使司所轄

蘭州衛

河州衛

廣東布政司府分發山西行都指揮司四川布政司府分發廣西都指揮

使司所轄

太平千戶所

南寧衛

大明律

吏律

職制計一十五條

選用軍職

凡守禦去處千戶百戶鎮撫有關一
具闕本實封御前開拆一行都指
揮使司轉達五軍都督府奏聞取
自上裁選用若先行委人權管希
望實授者當諛官吏各杖一百罷

職役充軍若選用總旗須於截過
鐵鎗人內委用其小旗從便選充
不拘此律

大臣專擅選官

凡除授官員須從朝廷選用若大臣
專擅選者斬○若大臣親戚非奉
特旨不許除授官職違者罪亦如
之○其見任在朝官員面諭差遣
及改除不問遠近托故不行者並

杖一百罷職不叙

文官不許封公侯

凡文官非有大功勲於國家而所司
朦朧奏請輒封公侯爵者當該官
吏及受封之人皆斬其生前出將
入相能除大患盡忠報國者同開
國功勲一體封侯謚公不拘此律

官員襲廕

凡文武官員應合襲廕職事並令嫡

長子孫襲廢如嫡長子孫有故嫡
次子孫襲廢若無嫡次子孫方許
庶長子孫襲廢如無庶出子孫許
令弟姪應令承繼者襲廢若庶出
子孫及弟姪不依次序撓越襲廢
者杖一百徒三年○其軍官子孫
年幼未能承襲者申聞朝廷紀錄
姓名關請俸給優贍其家候年一
十六歲方令襲職管軍辦事如委

絕嗣無可承襲者。亦令本人妻小
依例關請俸給養贍終身。若將異
姓外人乞養為子。瞞昧官府。詐冒
承襲者。乞養子杖一百。發邊遠充
軍。本家所關俸給截日住罷。他人
教令者。並與犯人同罪。○若當談
官司知而聽行。與同罪。不知者不
坐。

濫設官吏

凡內外各衙門官。有額定員數。而多
餘添設者。當該官吏一人杖一百。
每三人加一等。罪止杖一百。徒三
年。○若吏典知印承差。祇候。禁子。
弓兵人等。額外濫充者。杖一百。遷
徙。容留一人。正官笞二十。首領官
笞三十。吏笞四十。每三人各加一
等。並罪止杖一百。罪坐所由。○其
罷閑官吏。在外干預官事。結攬寫

發文案。把持官府。蠹政害民者。並杖八十。於犯人名下。追銀二十兩。付告人充賞。仍於門首書寫過名。三年不犯。官為除去。再犯加二等。遷徙有所規避者。從重論。○若官府稅糧。由帖戶口籍冊。雇募攢寫者。勿論。

貢舉非其人

凡貢舉非其人。及才堪特用。應貢舉。

而不貢舉者一人杖八十每二人加一等罪止杖一百所舉之人知情與同罪不知者不坐○若主司考試藝業技能而不以實者減二等○失者各減三等

舉用有過官吏

凡官吏曾經斷罪罷職役不叙者諸衙門不許朦朧保舉違者舉官及匿過之人各杖一百罷職役不叙

擅離職役

凡官吏無故擅離職役者笞四十若
避難因而在逃者杖一百罷職役
不叙所避事重者各從重論○其
在官應直不直應宿不宿各笞二
十若主守倉庫務場獄囚雜物之
類應直不直應宿不宿者各笞四
十

官員赴任過限

凡已除官員在京者以除授日為始
在外者以領照會日為始各依已
定程限赴任若無故過限者一日
笞一十每十日加一等罪止杖八
十並附過還職○若代官已到舊
官各照已定期限交割戶口錢糧
刑名等項及應有卷宗籍冊完備
無故十日之外不離任所者依赴
任過限論減二等○其中途阻風

被盜患病喪事不能前進者聽於
所在官司給憑以備照勘若有規
避詐冒不實者從重論當該官司
符同保勘者罪同

無故不朝參公座

凡大小官員無故在內不朝參在外
不公座署事及官吏給假限滿無
故不還職役者一日笞一十每三
日加一等各罪止杖八十並附過

還職

擅勾屬官

凡上司催會公事立案定限或遣牌或差人行移所屬衙門督併如有遲錯依律論罪若擅勾屬官拘喚吏典聽事及差占推官司獄各州縣首領官因而妨廢公務者笞四十若屬官承順逢迎及差撥吏典赴上司聽事者罪亦如之其有必

合追對刑名查勘錢糧監督造作
重事方許勾問事畢隨即發落無
故稽留三日者笞二十每三日加
一等罪止笞五十。

官吏給由

凡各衙門官吏給由到吏部限五日
付勘完備以憑類選銓注若不即
付勘完備者遲一日吏典笞一十。
每一日加一等罪止笞四十首領

官減一等。○若公私過名。隱漏不報者。以所隱之罪坐之。若罰贖記過者。亦各以所罰所記之罪坐之。若報重罪為輕罪者。坐以所剩罪。當該官司符同隱漏者。與同罪。承報而差漏。及上司失於查照者。並以失錯漏報卷宗科斷。○其漏附行止者。一人至三人。吏典答一十。每三人加一等。罪止答四十。○若

有增減月日。更易地方。改換出身。
蔽匿過名者。並杖一百。罷職役不
叙。○有所規避及受賄者。各從重
論。

姦黨

凡姦邪進讒言。左使殺人者。斬。○若
犯罪律諛處死。其大臣小官。巧言
諫免。暗邀人心者。亦斬。○若在朝
官。貪交結朋黨。紊亂朝政者。皆斬。

妻子為奴財產入官。○若刑部及大小各衙門官吏不執法律聽從上司主使出入人罪者罪亦如之。若有不避權勢明具實跡親赴御前執法陳訴者罪坐姦臣言告之人。與免本罪。仍將犯人財產均給充賞。有官者陞二等。無官者量與一官。或賞銀二千兩。

交結近侍官員

凡諸衙門官吏。若與內官。及近侍人。
貪。互相交結。漏泄事情。夤緣作弊。
而符同奏啓者。皆斬妻子。流二千
里。安置。

上言大臣德政

凡諸衙門官吏。及士庶人等。若有上
言宰執大臣。美政才德者。即是姦
黨。務要鞫問窮究。來歷明白。犯人
處斬。妻子為奴。財產入官。若宰執

大臣知情與同罪不知者不坐

公式計一十八條

講讀律令

凡國家律令。參酌事情輕重。定立罪名。頒行天下。永為遵守。百司官吏。務要熟讀。講明律意。剖決事務。每遇年終。在內從察院。在外從分巡御史。提刑按察司官。按治去處。考校。若有不能講解。不曉律意者。初

犯罰俸錢一月再犯笞四十。附過三犯於本衙門遞降叙用。○其百工技藝諸色人等有能熟讀講解通曉律意者。若犯過失及因人連累致罪。不問輕重並免一次。其事干謀反逆叛者不用此律。○若官吏人等挾詐欺公妄生異議擅為更改變亂成法者斬。

制書有違

凡奉制書有所施行而違者杖一百
違皇太子令旨者同罪違親王令
旨者杖九十失錯旨意者各減三
等○其稽緩制書及皇太子令旨
者一日笞五十每一日加一等罪
止杖一百稽緩親王令旨者各減
一等

棄毀制書印信

凡棄毀制書及起馬御寶聖旨起船

符驗若各衙門印信及夜巡銅牌者斬若棄毀官文書者杖一百有所規避者從重論事干軍機錢糧者絞當談官吏知而不舉與犯人同罪不知者不坐誤毀者各減三等其因水火盜賊毀失有顯跡者不坐

凡遺失制書聖旨符驗印信銅牌者杖九十徒二年半若官文書杖七

十事干軍機錢糧者杖九十。徒二年半。俱停俸責尋三十日得見者免罪。○若主守官物遺失簿書以致錢糧數目錯亂者杖八十限內得見者亦免罪。○其各衙門吏典考滿替代者明立案驗將原管文卷交付接管之人違者杖八十首領官吏不候交割符同給由者罪亦如之。

上書奏事犯諱

凡上書若奏事誤犯御名及

廟諱者杖八十。餘文書誤犯者笞四十。若為名字觸犯者杖一百。其所犯御名及

廟諱聲音相似字樣分別及有二字上犯一字者皆不坐罪。若上書及奏事錯誤當言原免而言不免當言千石而言十石之類有害於事者杖六

十。申六部錯誤有害於事者。笞四十。其餘衙門文書錯誤者。笞二十。若所申雖有錯誤。而文案可行。不害於事者。勿論。

事應奏不奏

凡軍官犯罪。應請旨而不請旨。及應論功上議。而不上議。當諛官吏。處絞。○若文職有犯。應奏請而不奏請者。杖一百。有所規避。從重論。○

若軍務錢糧選法制度刑名死罪
災異及事應奏而不奏者杖八十
應申上而不申上者笞四十○若
已奏已申不待回報而輒施行者
並同不奏不申之罪○其合奏公
事須要依律定擬具寫奏本其奏
事及當諛官吏僉書姓名明白奏
聞若有規避增減緊關情節朦朧
奏准施行已後因事發露雖經年

遠鞠問明白斬○若於親臨上司
官處稟議公事必先隨事詳陳可
否定擬稟說若准擬者上司置立
印署文簿附寫略節緣由令首領
官吏書名畫字以憑稽考若將不
合行事務妄作稟准及窺伺公務
冗併乘時朦朧稟說施行者依詐
傳各衙門官員言語律科罪有所
窺避者從重論

出使不復命

凡奉制勅出使不復命干預他事者杖一百各衙門出使不復命干預他事者常事杖七十軍情重事杖一百若越理犯分侵人職掌行事者笞五十○若回還後三日不繳納聖旨者杖六十每二日加一等罪止杖一百不繳納符驗者笞四十每三日加一等罪止杖八十○

若有所規違者各從重論。

漏泄軍情大事

凡聞知朝廷及總兵將軍調兵討襲外蕃及收捕反逆賊徒機密大事而輒漏泄於敵人者斬。若邊將報到軍情重事而漏泄者杖一百。徒三年。仍以先傳說者為首。傳至者為從。減一等。○若私開官司文書印封看視者杖六十。事干軍情重

事者以漏泄論○若近侍官負漏泄機密重事於人者斬常事杖一百罷職不叙

官文書稽程

凡官文書稽程者一日吏典笞一十三日加一等罪止笞四十首領官各減一等○若各衙門遇有所屬申稟公事隨即詳議可否明白定奪回報若當諛官吏不與果決含

糊行移互相推調以致耽悞公事者杖八十其所屬將可行事件不行區處作疑申稟者罪亦如之其所行公事已果決行移或有未絕或不完者自依官文書稽程論罪

照刷文卷

凡照刷有司有印信衙門文卷遲一宗二宗吏典笞一十三宗至五宗笞二十每五宗加一等罪止笞四

十。府州縣首領官。及倉庫務場局
所河泊等官。各減一等失錯及漏
報。一宗吏典答二十。二宗三宗答
三十。每三宗加一等。罪止答五十。
府州縣首領官及倉庫務場局所
河泊等官。各減一等。其府州縣正
官巡檢。一宗至五宗。罰俸錢一十
日。每五宗加一等。罰止一月。○若
錢糧埋沒刑名違枉等事。有所規

避者各從重論

磨勘卷宗

凡磨勘出各衙門未完文卷曾經監察御史提刑按察司照刷駁問遲錯經隔一季之後錢糧不行追徵足備者提調官吏以未足之數十分為率一分答五十每一分加一等罪止杖一百刑名造作等事可完而不完應改正而不改正者答

四十。每一月加一等。罪止杖八十。
受財者。計賊以枉法從重論。○若
有隱漏不報磨勘者。一宗笞四十。
每一宗加一等。罪止杖八十。事干
錢糧者。一宗杖八十。每一宗加一
等。罪止杖一百。有所規避者。從重
論。○若官吏聞知事發。旋補文案。
以避遲錯者。錢糧計所增數。以虛
出通關論刑名等事。以增減官文。

書論同僚若本管上司知而不舉及符同作弊者同罪。不知情及不同署文案者不坐。

同僚代判署文案

凡應行官文書而同僚官代判署者杖八十。若因遺失文案而代者加一等。若有增減出入罪重者從重論。

增減官文書

凡增減官文書者杖六十。若有所規避杖罪以上各加本罪二等罪止。杖一百流三千里未施行者各減一等。規避死罪者依常律其當該官吏自有所避增減文案者罪同。若增減以避遲錯者笞四十。○若行移文書誤將軍馬錢糧刑名重事緊關字樣傳寫失錯而洗補改正者吏典笞三十。首領官失於對

同減一等。干礙調撥軍馬及供給
邊方軍需錢糧數目者。首領官吏
典臂杖八十。若有規避故改補者。
以增減官文書論未施行者。各減
一等。因而失誤軍機者。無問故失
並斬。若無規避及常行字樣。偶然
誤寫者。皆勿論。

封掌印信

凡內外各衙門印信。長官收掌同僚

佐貳官用紙於印面上封記俱各
畫字。若同僚佐貳官差故許首領
官印封違者杖一百。

漏使印信

凡各衙門行移出外文書漏使印信
者當該吏典對同首領官并承辦
各杖六十○全不用印者各杖八
十○干礙調撥軍馬供給邊方軍
需錢糧者各杖一百因而失誤軍

機者斬

漏用鈔印

凡印鈔不行仔細致有漏印及倒用印者。一張笞一十。每三張加一。等罪止杖八十。若寶鈔庫不行用心檢閱。朦朧交收在內者。罪亦如之。

擅用調兵印信

凡總兵將軍及各處都指揮使司印信除調度軍馬辦集軍務行移入倉

文用使外。若擅出批帖。假公營私。照送物貨者。首領官吏各杖一百。罷職後不叙。正官奏聞區處。

信牌

凡府州縣置立信牌。量地遠近。定立程限。隨事銷繳。違者。一日笞一十。每一日加一等。罪止笞四十。○若府州縣官。遇有催辦事務不行。依律發遣信牌。輒下所屬守併者。杖

一百。

謂如府官不許入州衙州官不許入縣衙縣官不許入鄉

村其點視橋梁圩岸驛傳遞鋪路

勘災傷檢屍捕賊抄劄之類不在

此限

大明律

戶律

戶役計一十五條

脫漏戶口

凡一戶全不附籍有賦役者家長杖一百無賦役者杖八十附籍當差○若將他人隱蔽在戶不報及相冒合戶附籍有賦役者亦杖一百無賦役者亦杖八十若將另居親

屬隱蔽在戶不報。及相冒合戶附籍者。各減二等。所隱之人。並與同罪。改正立戶。別籍當差。其同宗伯叔弟姪。及壻自来不曾分居者。不在此限。○其見在官役使辦事者。雖脫戶。止依漏口法。○若隱漏自已成丁人口。不附籍。及增減年狀。妄作老幼廢疾。以免差役者。一口至三口。家長杖六十。每三口加一。

等罪止杖一百。不成丁。三口至五口。笞四十。每五口。加一等。罪止杖七十。入籍當差。○若隱蔽他人丁口。不附籍者。罪亦如之。所隱之人與同罪。發還本戶附籍當差。○若里長失於取勘。致有脫戶者。一戶至五戶。笞五十。每五戶。加一等。罪止杖一百。漏口者。一口至十口。笞三十。每十口。加一等。罪止笞五十。

本縣提調正官首領官吏脫戶者
十戶答四十。每十戶加一等。罪止
杖八十。漏口者。十口答二十。每三
十口加一等。罪止。答四十。知情者
並與犯人同罪。受財者。計贓以枉
法從重論。若官吏曾經三次立案
取勘。已責里長文狀。叮嚀省諭者。
事發罪坐里長。

人戶以籍為定

凡軍民驛竈醫卜工樂諸色人戶並
以籍為定。若詐冒脫免。避重就輕
者。杖八十。其官司妄准脫戶。及變
亂板籍者。罪同。○若詐稱各衛軍
人不當軍民差役者。杖一百。發邊
遠充軍。

私創庵院及私度僧道

凡寺觀庵院。除見在處所外。不許私
自創建。增置違者。杖一百。還俗。僧

道發邊遠充軍。尼僧女冠入官為
奴。○若僧道不給度牒。私自簪剃
者。杖八十。若由家長家長當罪。寺
觀住持及受業師私度者。與同罪。
並還俗。

立嫡子違法

凡立嫡子違法者。杖八十。其嫡妻年
五十以上無子者。得立庶長子。不
立長子者。罪亦同。○若養同宗之

人為子。所養父母無子。而捨去者。杖一百。發付所養父母收管。若有親生子及本生父母無子欲還者。聽○其乞養異姓義子以亂宗族者。杖六十。若以子與異姓人為嗣者。罪同。其子歸宗○其遺棄小兒年三歲以下。雖異姓仍聽收養。即從其姓○若立嗣雖係同宗而尊卑失序者。罪亦如之。其子亦歸宗。

改立應繼之人。○若庶民之家存
養奴婢者。杖一百。即放從良。

收留迷失子女

凡收留人家迷失子女。不送官司。而
賣為奴婢者。杖一百。徒三年。為妻
妾子孫者。杖九十。徒二年半。若得
迷失奴婢而賣者。各減良人罪一
等。被賣之人不坐。給親完聚。○若
收留在逃子女而賣為奴婢者。杖

九十徒二年半。為妻妾子孫者杖八十。徒二年。若得在逃奴婢而賣者各減良人罪一等。其被賣在逃之人又各減一等。若在逃之罪重者自從重論。○其自收留為奴婢妻妾子孫者罪亦如之。隱藏在家者並杖八十。○若買者及牙保知情。減犯人罪一等。追價入官。不知情俱不坐。追價還主。○若冒認良

人為奴婢者杖一百。徒三年。為妻
妾子孫者杖九十。徒二年半。冒認
他人奴婢者杖一百。

賦役不均

凡有司科徵稅糧及雜泛差役各驗
籍內戶口田糧定立等第科差若
放富差貧那移作弊者許被害貧
民赴拘談上司自下而上陳告當
談官吏各杖一百若上司不為受

理者杖八十。受財者計贓以枉法從重論。

丁夫差遣不平

凡應差丁夫雜匠而差遣不均平者。一人笞二十。每五人加一等。罪止杖六十。○若丁夫雜匠承差而稽留不着役。及在役日滿而所司不放回者。一日笞一十。每三日加一等。罪止笞五十。

隱蔽差役

凡豪民令子孫弟姪跟隨官負隱蔽
差役者家長杖一百。官負容隱者
與同罪。受財者計贓以枉法從重
論。跟隨之人免罪充軍。○其功臣
容隱者初犯免罪。附過再犯住支
俸給一半。三犯全不支給。四犯依
律論罪。

禁革主保里長

凡各處人民每一百戶內議設里長一名甲首一十名輪年應役催辦錢糧勾攝公事。若有妄稱主保小里長保長主首等項名色生事擾民者杖一百遷徙。○其合設耆老須於本鄉年高有德衆所推服人內選充。不許罷閑吏卒及有過之人充應。違者杖六十。當該官吏笞四十。

逃避差役

凡民戶逃往隣境州縣躲避差役者杖一百。發還原籍當差。其親管里長提調官吏故縱及隣境人戶隱蔽在已者。各與同罪。若里長知而不逐遣及原管官司不移文起取。若移文起取而所在官司占愆不發者。各杖六十。其在洪武七年十月以前流移他郡曾經附籍當差

者勿論限外逃者論如律○若丁夫雜匠在役及工樂雜戶逃者一日答一十每五日加一等罪止答五十提調官吏故縱者各與同罪受財者計賊以枉法從重論不覺逃者五人答二十每五人加一等罪止答四十不及五名者免罪

點差獄卒

凡各處獄卒於相應慣熟人內點差

應役令人代替者。笞四十。

私役部民夫匠

凡有司官私役使部民。及監工官私役使夫匠出百里之外。及火占在家使喚者。一名笞四十。每五名加一等。罪止杖八十。每名計一日。追給雇工錢六十文。○若有吉凶。及在家借使雜役者。勿論其所使人數。不得過五十名。每名不得使過

三日違者以私役論

別籍異財

凡祖父母父母在而子孫別立戶籍

分異財產者杖一百

須祖父母父母親告乃坐

○若居父母喪而兄弟別立戶籍

分異財產者杖八十

須期親以上尊長親告乃坐

卑幼私擅用財

凡同居卑幼不由尊長私擅用本家

財物者二十貫笞二十每二十貫

加一等罪止杖一百○若同居尊
長應分家財不均平者罪亦如之
收養孤老

凡鰥寡孤獨及篤廢之人貧窮無親
屬依倚不能自存所在官司應收
養而不收養者杖六十若應給衣
糧而官吏尅減者以監守自盜論

田宅計一十一條

欺隱田糧

凡欺隱田糧脫漏板籍者一畝至五畝笞四十每五畝加一等罪止杖一百其田入官所隱稅糧依數徵納若將田土移址換段那移等則以高作下減瞞糧額及詭寄田糧影射差役并受寄者罪亦如之其田改正收科當差○里長知而不舉與犯人同罪○其還鄉復業人民丁力少而舊田多者聽從儘力

耕種報官入籍計田納糧當差若
多餘占田而荒蕪者三畝至十畝
笞三十每十畝加一等罪止杖八
十其田入官若丁力多而舊田少
者告官於附近荒田內驗力撥付
耕種

檢踏災傷田糧

凡部內有水旱霜雹及蝗蝻為害一
應災傷田糧有司官吏應准告而

不即受理申報檢踏及本管上司
不與委官覆踏者各杖八十若初
覆檢踏官吏不行親詣田所及雖
詣田所不為用心從實檢踏止憑
里長甲首朦朧供報中間以熟作
荒以荒作熟增減分數通同作弊
瞞官害民者各杖一百罷職役不
叙若致枉有所徵免糧數計賊重
者坐賊論里長甲首各與同罪受

財者並計贓以枉法從重論。○其
檢陟官吏及里長甲首失於關防
致有不實者計田十畝以下免罪
十畝以上至二十畝笞二十每二
十畝加一等罪止杖八十。○若人
戶將成熟田地移坵換段冒告災
傷者一畝至五畝笞四十每五畝
加一等罪止杖一百。合納稅糧依
數追徵入官

功臣田土

凡功臣之家。除撥賜公田外。但有田土。從管莊人盡數報官。入籍納糧。畝差違者。一畝至三畝。杖六十。每三畝加一等。罪止。杖一百。徒三年。罪坐管莊之人。其田入官。所隱稅糧。依數徵納。若里長反。有司官吏。踏勘不實。及知而不舉者。與同罪。不知者不坐。

盜賣田宅

凡盜賣換易。及冒認。若虛錢實契。典賣。及侵佔他人田宅者。田一畝。屋一間。以下。笞五十。每田五畝。屋三間。加一等。罪止杖八十。徒二年。係官者。各加二等。○若強占官民山場湖泊。茶園。蘆蕩。及金銀銅場。鐵冶者。杖一百。流三千里。○若將互爭。及他人田產。妄作已業。朦朧投

獻官勢要之人與者受者各杖一百徒三年○田產及盜賣過田價并通年所得花利各還官給主○若功臣初犯免罪附過再犯住支俸給一半三犯全不支給四犯與庶人同罪

任所置買田宅

凡有司官吏不得於見任處所置買田宅違者笞五十解任田宅入官

典買田宅

凡典買田宅。不稅契者。笞五十。仍追
田宅價錢一半入官。不過割者。一
畝至五畝。笞四十。每五畝加一等。
罪止杖一百。其田入官。○若將已
典賣與人田宅。朦朧重複典賣者。
以所得價錢計賊准竊盜論。免刺。
追價還主。田宅從原典賣主為業。
若重複典買之人。及牙保知情者。

與犯人同罪，追價入官。不知者不坐。○其所典田宅園林碾磨等物，年限已滿，業主備價取贖。若典主托故不肯放贖者，笞四十。限外逃年所得花利，追徵給主。依價取贖，其年限雖滿，業主無力取贖者，不拘此律。

盜耕種官民田

凡盜耕種他人田者，一畝以下，笞三

十。每五畝加一等。罪止杖八十。荒田減一等。强者各加一等。係官者各又加二等。花利歸官主。

荒蕪田地

凡里長部內已入籍納糧當差田地無故荒蕪。及應課種桑麻之類而不種者。俱以十分為率。一分笞二十。每一分加一等。罪止杖八十。縣官各減二等。長官為首。佐職為從。

人戶亦計荒蕪田地及不種桑麻
之類以五分為率一分答二十每
一分加一等追徵合納稅糧還官
應課種桑棗黃麻苧麻綿花藍靛
紅花之類各隨鄉土所宜種植
棄毀器物稼穡等

凡棄毀人器物及毀伐樹木稼穡者
計賊唯竊盜論免刺官物加二等
若遺失及誤毀官物者各減三等
並驗數追償私物者償而不坐罪

○若毀人墳塋內碑碣石獸者杖八十。毀人神主者杖九十。若毀損人房屋垣牆之類者。計合用修造雇工錢坐贓論。各令修立。管屋加二等。誤毀者。但令修立。不坐罪。

擅食田園瓜果

凡於他人田園擅食瓜果之類。坐贓論。棄毀者罪亦如之。其擅將去及食係官田園瓜果。若官造酒食者。

加二等。主守之人給與及知而不舉者與同罪。若主守私自將去者並
以監守自盜論。

私借官車船

凡監臨主守將係官車船店舍碾磨之類私自借用或轉借與人及借之者各笞五十。驗日追雇賃錢入官。若計雇賃錢重者各坐贓論。加一等。

婚姻計一十八條

男女婚姻

凡男女定婚之初若有疾殘老幼庶
出過房乞養者務要兩家明白通
知各從所願寫立婚書依禮聘嫁
若許嫁女已報婚書及有私約謂
已知夫身疾殘老幼庶養之類而輒悔者笞五十
雖無婚書但曾受聘財者亦是○
若再許他人未成婚者杖一十已

成婚者杖八十。後定婚者知情與同罪。財禮入官。不知者不坐。追還財禮。女歸前夫。前夫不願者。倍追財禮。給還。其女仍從後夫。男家悔者。罪亦如之。不追財禮。○其未成婚。男女有犯姦盜者。不用此律。○若為婚而女家妄冒者。杖八十。謂女有妾疾。却令姊妹妄冒。相追還。見後却以殘疾女成婚之類。追還財禮。男家妄冒者。加一等。謂如失親男定。

為却與義男成婚。又如男有殘疾。却令弟兄妄冒相見。後却以殘疾之類。不追財禮。未成婚者。仍依

原定。已成婚者。離異。○其應為婚者。雖已納聘。財期約未至。而男家強娶。及期約已至。而女家故違期者。並笞五十。○若卑幼或仕宦或賣買在外。其祖父母父母及伯叔父母姑兄姊。後為定婚。而卑幼自娶妻。已成婚者。仍舊為婚。未成婚

者從尊長所定違者杖八十

典雇妻女

凡將妻妾受財典雇與人為妻妾者杖八十典雇女者杖六十婦女不坐○若將妻妾妾作姊妹嫁人者杖一百妻妾杖八十○知而典娶者各與同罪並離異財禮入官不知者不坐追還財禮

妻妾失序

凡以妻為妾者杖一百。妻在以妾為妻者杖九十。並改正○若有妻更娶妻者亦杖九十。離異其民年四十以上無子者方許娶妾違者笞四十

逐婿嫁女

凡逐婿嫁女或再招婿者杖一百其女不坐男家知而娶者同罪不知者亦不坐其女斷付前夫出居完

聚。

居喪嫁娶

凡居父母及夫喪而身自嫁娶者杖一百。若男子居喪娶妾妻女嫁人為妾者各減二等。若命婦夫亡再嫁者罪亦如之。追奪並離異。知而共為婚姻者各減五等。不知者不坐。若居祖父母伯叔父母姑兄弟喪而嫁娶者杖八十。妾不坐。○若

居父母舅姑及夫喪而與應嫁娶
人主婚者杖八十。○其夫喪服滿
願守志非女之祖父母父母而強
嫁之者杖八十。期親強嫁者減二
等。婦人不坐。追歸前夫之家聽從
守志娶者亦不坐。追還財禮。

父母囚禁嫁娶

凡祖父母父母犯死罪被囚禁而子
孫嫁娶者杖八十。為妾者減二等。

其奉祖父母。父母命而嫁女娶妻者。不坐亦不得筵宴。

同姓為婚

凡同姓為婚者。各杖六十。離異。

尊卑為婚

凡外姻有服尊屬卑幼。共為婚姻。及娶同母異父姊妹。若妻前夫之女者。各以姦論。○其父母之姑舅兩姨姊妹。及姨若堂姨母之姑。堂姑。

已之堂姨及再從姨堂外甥女若
女婿及子孫婦之姊妹並不得為
婚姻違者各杖一百○若娶已之
姑舅兩姨姊妹者杖八十○並離
異

娶親屬妻妾

凡娶同宗無服之親及無服親之妻
者各杖一百若娶總麻親之妻及
舅甥妻各杖六十徒一年小功以

上各以姦論其曾被出及已改嫁而娶為妻妾者各杖八十○若收父祖妾及伯叔母者各斬若兄亡收嫂弟亡收弟婦者各絞○妾各減二等○若娶同宗總麻以上姑姪姊妹者亦各以姦論○並離異娶部民婦女為妻妾

凡府州縣親民官任內娶部民婦女為妻妾者杖八十若監臨官娶為

事人妻妾及女為妻妾者杖一百女家並同罪妻妾仍兩離之女給親財禮入官強娶者各加二等女家不坐不追財禮若為子孫弟姪家人娶者罪亦如之男女不坐

娶逃走婦女

凡娶犯罪逃走婦女為妻妾知情者與同罪至死者減一等離異不知者不坐若無夫會赦免罪者不離

強占良家妻女

凡豪勢之人。強奪良家妻女。姦占為妻妾者。絞。婦女給親配與子孫弟姪家人者。罪亦如之。男女不坐娶樂人為妻妾。

凡官吏娶樂人為妻妾者。杖六十。並離異。若官員子孫娶者。罪亦如之。附過候廕襲之日。降一等。於邊遠叙用。其在洪武元年已前娶者。勿論。

僧道娶妻

凡僧道娶妻妾者杖八十還俗。女家同罪。離異。寺觀住持知情與同罪。不知者不坐。○若僧道假託親屬或僮僕為名求娶而僧道自占者以姦論

良賤為婚姻

凡家長與奴娶良人女為妻者杖八十。女家減一等。不知者不坐。其奴

自娶者罪亦如之。家長知情者減二等。因而入籍為婢者杖一百。若妄以奴婢為良人而與良人為夫妻者杖九十。各離異改正。

蒙古色目人婚姻

凡蒙古色目人聽與中國人為婚姻。務要兩相情願不許本類自相嫁娶。違者

杖八十。男女入官為奴。其中國人。不願與回回欽察為婚姻者。聽從

本類自相嫁娶不在禁限

出妻

凡妻無應出。及義絕之狀。而出之者。杖八十。雖犯七出。有三不去。而出之者。減二等。追還完聚。○若犯義絕。應離而不離者。亦杖八十。若夫妻不相和諧。而兩願離者。不坐。○若妻背夫在逃者。杖一百。從夫嫁賣。因而改嫁者。絞。其因夫逃。上三

年之內。不告官司而逃去者杖八十。擅改嫁者杖一百。妾各減二等。

○若婢背家長在逃者杖八十。逃奴

者罪亦同因而改嫁者杖一百給還家

長○窩主及知情娶者各與同罪

至死者減一等不知者俱不坐○

若由期親以上尊長主婚改嫁者

罪坐主婚妻妾止得在逃之罪餘

親主婚者餘親謂期親卑幼及大

以下尊長卑幼主婚

者改嫁事由主婚主婚為首男女為

從事由男女男女為首主婚為從

至死者主婚人並減一等

嫁娶違律主婚媒人罪

凡嫁娶違律若由祖父母父母伯叔

父母姑兄姊及外祖父母主婚者

獨坐主婚餘親主婚者餘親謂期

大功以下尊長事由主婚主婚為

首男女為從事由男女男女為首

主婚為從。至死者。主婚人並減一等。○其男女被主婚人威逼事不由已。若男年二十歲以下。及在室之女。亦獨坐主婚。男女俱不坐。○未成婚者。各減已成婚罪五等。○若媒人知情者。各減犯人罪一等。不知者。不坐。○其違律為婚。各條稱離異改正者。雖會赦。猶離異改正。離異者。婦女並歸宗。○財禮若

娶者。知情。則追入官。不知者。則追還主。

倉庫計二十四條

鈔法

凡印造寶鈔。與洪武大中通寶。及歷代銅錢。相兼行使。其民間買賣。諸物。及茶鹽商稅。諸色課程。並聽收受。違者。杖一百。○若諸人將寶鈔。赴倉場庫務。折納諸色課程中。買鹽。

貨及各衙門起解贓罰。須要於鈔
背用使姓名私記。以憑稽考。若有
不行用心辨驗收受偽鈔及挑剗
描轉鈔貫在內者。經手之人杖一
百。倍追所納鈔貫。謂誤收偽鈔并
挑剗描轉鈔一
貫倍追實
鈔二貫。偽挑鈔貫燒毀。其民間
關市交易亦許用使私記。若有不
行仔細辨驗誤相行使者。杖一百。
倍追鈔貫。止問見使之人。若知情

行使者並依本律

錢法

凡錢法設立寶源等局鼓鑄洪武通寶銅錢與大中通寶及歷代銅錢相兼行使折二當三當五當十依數准筭民間金銀米麥布帛諸物價錢並依時值聽從民便若阻滯不即行使者杖六十○其軍民之家除鏡子軍器及寺觀庵院鐘磬

銚鉞外其餘應有廢銅並聽赴官中賣每斤給價銅錢一百五十文。若私相買賣及收匿在家不赴官中賣者各答四十。

收糧違限

凡收夏稅於五月十五日開倉七月終齊足秋糧十月初一日開倉十月終齊足如早收去處預先收受者不拘此律若夏稅違限至八月終齊足者各答四十。

月終秋糧違限。至次年正月終。不足者。其提調部糧官吏典。分催里長。欠糧人戶。各以十分為率。一分不足者。杖六十。每一分加一等。罪止杖一百。受財者。計贓以枉法從重論。若違限一年之上。不足者。人戶里長杖一百。遷徙。提調部糧官吏典處絞。

多次稅糧斛面

凡各倉收受稅糧聽令納戶親自行
粟平斛交收作數支銷依令唯除
折耗若倉官斗級不令納戶行粟
跌斛淋尖多收斛面者杖六十若
以附餘糧數計贓重者坐贓論罪
止杖一百提調官吏知而不舉與
同罪不知者不坐

隱匿費用稅糧課物

凡送本戶應納稅糧課物及應入官

之物而隱匿費用不納或詐作損失欺妄官司者並計所虧欠物數准竊盜論免刺其部運官吏知情與同罪不知者不坐。

攬納稅糧

凡攬納稅糧者杖六十着落赴倉納足再於犯人名下追罰一半入官。
○若監臨主守攬納者加罪二等。
○其小戶畸零米麥因便輾數於

納糧人戶。屢附納者。勿論。

虛出通關硃鈔

凡倉庫收受。一應係官錢糧等物。不足。而監臨主守。通同有司。提調官吏。虛出通關者。計所虛出之數。併贓。皆以監守自盜論。○若委官盤點錢糧。數本不足。符同申報足備者。罪亦如之。受財者。計贓以枉法從重論。○其監守不收本色折

收財物。虛出硃鈔者。亦以監守自盜論。納戶知情。減二等。免刺。原與之賊入官。不知者。不坐。其賊還主。○同僚知而不舉者。與犯人同罪。不知。及不同署文案者。不坐。

附餘錢糧私下補數

凡各衙門及倉庫。但有附餘錢糧。須要盡實報官。明白正收作數。若監臨主守。將增出錢糧。私下銷補。別

項事故虧折之數。瞞官作弊者。並計賊以監守自盜論。○若內府承運庫。收受金帛。當日交割未完者。許令附簿寄庫。若有餘剩之物。本庫明白立案。正收。開申戶部作數。若朦朧擅將金帛等物出外者。斬守門官。失於盤獲搜檢者。杖一百。

私借錢糧

凡監臨主守。將係官錢糧等物。私自

借用。或轉借與人者。雖有文字。並計賊以監守自盜論。其非監守之人借者。以常人盜倉庫錢糧論。○若將自己物件。抵換官物者。罪亦如之。

私借官物

凡監臨主守。將係官什物。衣服氈褥。器玩之類。私自借用。或轉借與人。及借之者。各答五十。過十日。各坐

賊論減二等。若有損失者。依毀失官物律。坐罪追陪。

那移出納

凡各衙門收支錢糧等物。已有文案勘合。若監臨主守不正。收正支那移出納。還充官用者。並計賊准監守自盜論罪。止杖一百。流三千里。免刺。○若不給半印勘合。擅出權帖。或給勘合不立文案放支。及倉

庫不候勘合。或已奉勘合。不附簿放支者。罪亦如之。○其出征鎮守軍馬經過去處。行糧草料。明立文案。即時應付。具數開申。合于上司。准除。不在擅支之限。違者。杖六十。庫秤雇役侵欺。

凡倉庫務場局院庫秤斗級。若雇役之人。侵欺借貸移易。係官錢糧。並以監守自盜論。若雇主同情。分受。

賊物者罪亦如之。其知情不舉分
賊而符同申報贖官及不首告者
減一等罪止。杖一百。不知者不坐。

冒支官糧

凡管軍官吏總旗小旗冒支軍糧入
已者計賊准竊盜論免刺。

錢糧互相覺察

凡倉庫粉場官吏攢攔庫子斗級皆
得互相覺察。若知侵欺盜用借貸。

係官錢糧。已出倉庫。匿而不舉。及故縱者。並與犯人同罪。失覺察者。減三等。罪止杖一百。○若官吏虛立文案。那移出納。及虛出通關。其斗級庫子。攔頭不知者。不坐。

倉庫不覺被盜

凡有人從倉庫中出。守把之人。不搜檢者。笞二十。因不搜檢。以致盜物出倉庫。而不覺者。減盜罪二等者。

夜直更之人。不覺盜者。減三等。倉庫直宿官。攢斗級庫子。不覺盜者。減五等。並罪止杖一百。故縱者。各與盜同罪。若被強盜者。勿論。

守支錢糧及擅開官封

凡倉庫官。攢斗級庫子。役滿得代。所收錢糧官物。並令守支盡絕。若無短少。方許給由。其有應合相沿交割之物。聽提調官吏監臨盤點。見

數不得指厥指庫交割違者各杖一百○若官物有印封記其主典不請原封官司而擅開者杖六十出納官物有違

凡倉庫出納官物當出陳物而出新物應受上物而受下物之類及有司和雇和買不取給價若給價有增減不實者計所虧欠及多餘之價坐贓論○若應給俸祿未及期

而預給者。罪亦如之。○其監臨官吏知而不舉。與同罪。不知者。不坐。

收支留難

凡收受支給官物。其當諛官吏。無故留難刁蹬。不即收支者。一日笞五十。每三日加一等。罪止杖六十。徒一年。○守門人留難者。罪亦如之。○若領物納物之人。到有先後。主司不依次序收支者。笞四十。

起解金銀足色

凡收受諸色課程變賣物貨起解金銀須要足色。如成色不及分數提調官吏人匠各笞四十。着落均陪還官。

損壞倉庫財物

凡倉庫及積聚財物主守之人安置不如法曬晾不以時致有損壞者計所損壞之物坐贓論着落均陪

選官。若卒遇雨水衝激失火。延燒盜賊劫奪。事出不測。而有損失者。委官保勘。覆實。顯跡明白。免罪。不陪。其監臨主守。若將侵欺錯貸。挪移之數。乘其水火盜賊。虛捏文案。及扣換交單籍關。申報瞞官者。並計贓。以監守自盜論。同僚知而不舉者。與同罪。不知者不坐。

轉解官物

凡各處徵收錢帛。買辦軍需。成造軍器等物。所在州縣交收。差有職役人負。陸續類解本府。若本府不即交收。差人轉解。勒令人戶就解布政司者。當該提調正官。首領官吏。典各杖八十。若布政司不即交收。勒令各府就解部者。首領官令典罪亦如之。○其起運官物。長押官及解物人。安置不如法。致有損失。

者計所損失之物。坐贓論着落均
陪還官。若船行卒遇風浪及失火
延燒。或盜賊劫奪。事出不測。而有
損失者。申告所在官司。委官保勘
覆實。顯跡明白。免罪不陪。若有侵
欺者。計贓以監守自盜論。○若起
運官物。不運本色。而輒賣財貨於
所納去處。收買納官者。亦計贓。以
監守自盜論。

擬斷賊罰不當

凡擬斷賊罰財物。應入官而給主。及應給主而入官者。坐賊論罪止。杖一百。

守掌在官財物

凡官物。當應給付與人。已出倉庫。而未給付。若私物。當供官用。已送在官。而未入倉庫。但有人守掌在官。若有侵欺借貸者。並計賊以監守。

自盜論

隱瞞入官家產

凡抄沒人口財產陰謀反誅叛及姦黨係在十惡依律抄沒其餘有犯罪律不該載者妻子財產不在抄沒入官之限違者依故入人流罪論○若抄劄入官家產而隱瞞人口不報者計口以隱漏丁口論若隱瞞田土者計田以欺隱田糧論若

隱瞞財物房屋孳畜者，坐贓論。各罪止杖一百。所隱人口財產，並入官。罪坐供報之人。○若里長同情隱瞞，及當諛官吏知情者，並與同罪。計所隱贓重者，坐贓論全科。○受財者，計贓以枉法各從重論。失覺舉者，減三等。罪止笞五十。

課程計十九條

鹽法一十二條

凡犯私鹽者杖一百徒三年。若有軍器者加一等。誣指平人者加三等。拒捕者斬。鹽貨車船頭尺並入官。引領牙人及窩藏寄頓者杖九十。徒二年半。挑擔擔載者杖八十。徒二年。非應捕人告獲者就將所獲私鹽給付告人充賞。有能自首者免罪。一體給賞。○若事發止理見獲人鹽當該官司不許展轉攀指。

違者以故入人罪論

謂如人盜同獲止理見發

有確貨無犯人者其鹽沒官不須追究

凡鹽場竈丁人等除正額鹽外夾帶餘鹽出場及私煎貨賣者同私鹽法百夫長知情故縱及通同貨賣者與犯人同罪

凡婦人有犯私鹽若夫在家或子知情罪坐夫男其雖有夫而遠出或有子幼弱罪坐本婦

凡買食私鹽者杖一百。因而貨賣者杖一百。徒三年。

凡守禦官司及鹽運司巡檢司巡緝私鹽即發有司歸勘各衙門不許擅問。若有司官吏通同脫放者與犯人同罪。受財者計贓以枉法從重論。

凡守禦官司及有司巡檢司設法差人於樑管地面并附場緊關去處

常川巡禁私鹽。若有透漏者。關津把截官。及所委巡鹽人。負初犯。笞四十。再犯。笞五十。三犯。杖六十。並附過還職。若知情故縱。及容令軍兵。隨同販賣者。與犯人同罪。受財者。計贓以枉法從重論。○其巡獲私鹽入已。不解官者。杖一百。徒三年。若裝誣平人者。加三等。

凡軍人有犯私鹽。本管二百石有失。

鈐束者。百戶初犯。笞五十。再犯杖六十。三犯杖七十。減半給俸。千戶初犯。笞四十。再犯笞五十。三犯杖六十。減半給俸。並附過選職。若知情容縱。及通同販賣者。與犯人同罪。

凡起運官鹽。每引二百斤。為一袋。帶耗五斤。經過批驗。所依數掣掣秤。盤。但有夾帶餘鹽者。同私鹽法。○

若客鹽越過批驗所。不經掣摯關防者。杖九十。押回盤驗。

凡客商販賣官鹽。不計鹽引相離。違者同私鹽法。○其賣鹽了畢。十日之內。不繳退引者。笞四十。○若將舊引影射鹽貨者。同私鹽法。

凡起運官鹽。并竈戶運鹽上倉。將帶軍器及不用官船起運者。同私鹽法。

凡客商將官鹽、緡和沙土貨賣者，杖八十。

凡將有引官鹽，不於拘謫行鹽地面發賣，轉於別境犯界貨賣者，杖一百。知而買食者，杖六十。不知者，不坐。其鹽入官。

監臨勢要中鹽

凡監臨官吏詭名及權勢之人中納錢糧，請買鹽引勘合，侵奪民利者，

杖一百。徒三年。鹽貨入官。

阻壞鹽法

凡客商中買鹽引。勘合不親赴場支鹽。中途增價轉賣。阻壞鹽法者。買主賣主。各杖八十。牙保減一等。鹽貨價錢並入官。其鋪戶轉買拆賣者。不用此律。

私茶

凡犯私茶者。同私鹽法論罪。如將已

批驗截角退引入山影射照茶者
以私茶論

私礬

凡私煎礬貨賣者同私鹽法論罪

匿稅

凡客商匿稅及賣酒醋之家不納課
程者笞五十。物貨酒醋一半入官。
於入官物內以十分為率。三分付
告人充賞。務攢攔自獲者不賞。入

門不吊引同匿稅法其造酒醋自用者不在此限○若買頭疋不稅契者罪亦如之仍於買主名下追徵價錢一半入官

船商匿貨

凡泛海客商船到岸即將物貨盡實報官抽分若停塌沿港土商牙僧之家不報者杖一百雖供報而不盡者罪亦如之物貨並入官停

藏之人同罪。告獲者。官給賞銀三十兩。

人戶虧兌課程

凡民間週歲額辦茶鹽商稅諸色課程。年終不納齊足者。計不足之數。以十分為率。一分笞四十。每一分加一等。罪止杖八十。追課納官。○若茶鹽運司鹽場茶局及稅務河泊所等官。不行用心辦課。年終比

附。上年課額虧欠者。亦以十分論。一分笞五十。每一分加一等。罪止杖一百。所虧課程。着落追補還官。○若有隱瞞侵欺借用者。並計贓以監守自盜論。

錢債計三條

違禁取利

凡私放錢債及典當財物。每月取利。並不得過三分。年月雖多。不過一

本一利違者答四十。以餘利計賊重者。坐賊論罪止。杖一百。○若監臨官吏於所部內舉放錢債典當財物者。杖八十。違禁取利以餘利計賊重者。依不枉法論。○並追餘利給主。○其負欠私債違約不還者。五貫以上。違三月。答一十。每一月加一等。罪止。答四十。五十貫以上。違三月。答二十。每一月加一等。

罪止笞五十。二百五十貫以上。違
三月。笞三十。每一月加一等。罪止
杖六十。並追本利給主。○若豪勢
之人。不告官司。以私債強奪去人
孳畜產業者。杖八十。若估價過
本利者。計多餘之物。坐贓論。依數
追還。○若准折人妻妾子女者。杖
一百。強奪者。加二等。因而姦占婦
女者。絞人口。給親私債免追。

費用受寄財產

凡受寄人財物畜產而輒費用者。坐
贓論。減一等。詐言死失者。准竊盜
論。減一等。並追物還主。其被水火
盜賊費失。及畜產病死有顯跡者。
勿論。

得遺失物

凡得遺失之物。限五日內送官。官物
還官。私物召人識認。於內一半給

與得物人充賞。一半給還失物人。如三十日內無人識認者。全給限外不送官者。官物坐贓論。私物減二等。其物一半入官。一半給主。○若於官私地內掘得埋藏之物者。並聽收用。若有古器鍾鼎符印異常之物。限三十日內送官。違者杖八十。其物入官。

市廛

計五條

私充牙行埠頭

凡城市鄉村諸色牙行及船埠頭並
選有抵業人戶充應官給印信文
簿附寫客商船戶任貫姓名路引
字號物貨數目每月赴官查照私
充者杖六十所得牙錢入官官牙
埠頭容隱者笞五十革去。

市私評物價

凡諸物行人評估物價或貴或賤令

價不平者。計所增減之價。坐贓論。入已者。准竊盜論。免刺。○其為罪人估贓不實。致罪有輕重者。以故出入人罪論。受財者。計贓以枉法從重論。

把持行市

凡買賣諸物。兩不和同。而把持行市。專取其利。及販鬻之徒。通同牙行。共為姦計。賣物以賤為貴。買物以

貴為賤者杖八十○若見人有所
買賣在傍高下比價以相惑亂而
取利者笞四十○若已得利物計
賊重者准竊盜論免刺

私造斛斗秤尺

凡私造斛斗秤尺不平在市行使及
將官降斛斗秤尺作弊增減者杖
六十工匠同罪○若官降不如法
者杖七十提調官失於較勘者減

一等知情與同罪○其在市行使斛斗秤尺雖平而不經官司較勘印烙者笞四十○若倉庫官吏私自增減官降斛斗秤尺收支官物而不平者杖一百以所增減物計贓重者坐贓論因而得物入已者以監守自盜論工匠杖八十監臨官知而不舉者與犯人同罪失覺察者減三等罪止杖一百

器用布絹不如法

凡造器用之物不牢固真實及絹布
之屬紕薄短狹而賣者各笞五十
其物入官。

大明律

禮律

祭祀 計六條

祭享

凡大祀及

廟享所司不將祭祀日期預先告示諸衙門
者。笞五十。因而失誤行事者。杖一
百。其已承告示而失誤者。罪坐失
誤之人。○若百官已受誓戒而弔。

喪問疾判署刑殺文書及預筵宴者皆罰俸錢一月其知有緦麻以上喪或曾經杖罪遣充執事及令陪祀者罪同不知者不坐若有喪有過不自言者罪亦如之其已受誓戒人員散齋不宿淨室罰俸錢半月致齋不宿本司者罰俸錢一月○若大祀牲牢玉帛黍稷之屬不如法者笞五十一事缺少者杖

八十。一座全缺者杖一百。○若奉大祀犧牲主司喂養不如法致有瘦損者一牲笞四十。每一牲加一等罪止杖八十。因而致死者加一等。○中祀有犯者罪同。餘條准此

毀大祀丘壇

凡大祀丘壇而毀損者杖一百。流二千里。壝門減二等。○若棄毀大祀神御之物者杖一百。徒三年。遺失

及誤毀者各減三等。

致祭祀典神祇

凡

社稷山川風雲雷雨等神及聖帝明王忠臣烈士載在祀典應合致祭神祇所在有司置立牌面開寫神號祭祀日期於潔淨處常川懸掛依時致祭至期失誤祭祀者杖一百其不當奉祀之神而致祭者杖八十。

歷代帝王陵寢

凡歷代帝王陵寢及忠臣烈士先聖
先賢墳墓不許於上樵採耕種及
牧放牛羊等畜違者杖八十

褻瀆神明

凡私家告

天拜斗焚燒夜香燃點天燈七燈褻瀆神明
者杖八十婦女有犯罪坐家長若
僧道脩齋設醮而拜奏青詞表文

及祈禳火災者同罪。還俗○若有官及軍民之家縱令妻女於寺觀神廟燒香者答四十。罪坐夫男。無夫男者罪坐本婦。其寺觀神廟住持及守門之人不為禁止者與同罪。

禁止師巫邪術

凡師巫假降邪神書符呪水扶鸞禱聖自號端公太保師婆及妄稱彌

勒佛。白蓮社。明尊教。白雲宗等會。
一應左道亂正之術。或隱藏圖像。
燒香集衆。夜聚曉散。佯脩善事。扇
惑人民。為首者。絞為從者。各杖一
百。流三千里。○若軍民裝扮神像。
鳴鑼擊鼓。迎神賽會者。杖一百。罪
坐為首之人。○里長知而不首者。
各笞四十。○其民間春秋義社。不
在禁限。

儀制

計二十條

合和御藥

凡合和御藥。誤不依本方。及封題錯
誤。醫人杖一百。料理揀擇不精者。
杖六十。若造御膳。誤犯食禁。厨子
杖一百。若飲食之物。不潔淨者。杖
八十。揀擇不精者。杖六十。不品嘗
者。笞五十。監臨提調官。各減醫人
厨子罪二等。○若監臨提調官。及

厨子人等誤將雜藥至造御膳處所者杖一百。所將雜藥就令自喫。門官及守衛官失於搜檢者與犯人同罪。○並臨時奏聞區處。

乘輿服御物

凡乘輿服御物收藏脩整不如法者杖六十。進御差失者笞四十。其車馬之屬不調習。駕馭之具不堅完者杖八十。○若主守之人將乘輿

服御物私自借用或轉借與人及
借之者各杖一百徒三年若棄毀
者罪亦如之遺失及誤毀者各減
三等○若御幸舟船誤不堅固者
工匠杖一百若不整頓脩飾及在
船篙棹之屬缺少者杖六十並罪
坐所由監臨提調官各減工匠罪
二等○並臨時奏聞區處

收藏禁書及私習天文

凡私家收藏玄象器物天文圖識應
禁之書及歷代帝王圖像金玉符
璽等物者杖一百若私習天文者
罪亦如之並於犯人名下追銀一
十兩給付告人充賞

御賜衣服

凡御賜百官衣物使臣不行親送轉
附他人給與者杖一百罷職不叙
失誤朝賀

凡朝賀及迎接詔書所司不預先告
示者笞四十其已承告示而失誤
者罪亦如之

失儀

凡祭祀及謁拜

園陵若朝會行禮差錯及失儀者罰俸錢半
月○其糾儀官應糾舉而不糾者
罪同

奏對失序

凡在朝侍從官員特承顧問官高者
先行回奏卑者以次進對若先後
失序者各罰俸錢半月

朝見留難

凡儀制司官將應朝見官負人等託
故留難阻當不即引見者斬大臣
知而不問與同罪不知者不坐

上書陳言

凡國家政令得失軍民利病一切興

利除害之事。並從五軍都督府六部官面奏。區處及聽監察御史提刑按察司官各陳所見。直言無隱。○若內外大小官員。但有本衙門不便事件。許令明白條陳。實封進呈。取自主裁。若知而不言。苟延歲月者。在內從監察御史。在外從按察司糾察。○若百工技藝之人。應有可言之事。亦許直至御前奏聞。

其言可用。即付所司施行。各衙門
但有阻當者。鞠問明白。斬。○其陳
言事理。並要直言簡易。每事各開
前件。不許虛飾繁文。○若縱橫之
徒。假以上書。巧言令色。希求進用
者。杖一百。○若稱訴冤枉。於軍民
官司借用印信封皮入遞者。借者
及借與者。皆斬。

見任官輒自立碑

凡見任官。實無政跡。輒自立碑建祠者。杖一百。若遣人妄稱已善。申請於上者。杖八十。受遣之人各減一等。

禁止迎送

凡上司官。及使客經過。若監御史按察司官。出巡按治。而所在各衙門官吏。出郭迎送者。杖九十。其容令迎送不舉問者。罪亦如之。

公差人負欺凌長官

凡公差人員在外不循禮法欺凌守
御官及知府知州者杖六十附過
還役歷過俸月不准若校尉有犯
杖七十祇候禁子有犯杖八十

服舍違式

凡官民房舍車服器物之類各有等
第若違式僭用有官者杖一百罷
職不叙無官者笞五十罪坐家長

工匠並笞五十○若僭用違禁龍鳳紋者官民各杖一百徒三年工匠杖一百連當房家小起發赴京籍充局匠○違禁之物並入官○首告者官給賞銀五十兩○若工匠能自首者免罪一體給賞

僧道拜父母

凡僧尼道士女冠並令拜父母祭祀祖先喪服等第皆與常人同違者

杖一百。還俗。○若僧道衣服止許用紬絹布疋。不許用紵絲綾羅。違者答五十。還俗。衣服入官。其袈裟道服不在禁限。

失占天象

凡天文垂象。欽天監官失於占候。奏聞者杖六十。

術士妄言禍福

凡陰陽術士不許於大小文武官員

之家妄言禍福違者杖一百其依
經推算星命卜課者不在禁限

匿父母夫喪

凡聞父母及夫之喪匿不舉哀者杖
六十徒一年若喪制未終釋服從
吉忘哀作樂及參預筵宴者杖八
十若聞期親尊長喪匿不舉哀者
亦杖八十若喪制未終釋服從吉
者杖六十○若官吏父母死應丁

憂詐稱祖父母伯叔姑兄姊之喪
不丁憂者杖一百。罷職役不叙。無
喪詐稱有喪。或舊喪詐稱新喪者。
罪同。有規避者。從重論。○若喪制
未終。冒哀從仕者。杖八十。○其當
該官司。知而聽行。各與同罪。不知
者。不坐。○其仕宦遠方。丁憂者。以
聞喪月日為始。奪情起復者。不拘
此律。

棄親之任

凡祖父母父母年八十以上。及篤疾。別無以次侍丁。而棄親之任。及妄稱祖父母父母老疾求歸入侍者。並杖八十。○若祖父母父母及夫犯死罪被囚禁。而遣宴作樂者。罪亦如之。

喪葬

凡有喪之家。必須依禮安葬。若惑於

風水。及托故停柩在家。經年暴露
不葬者。杖八十。○其從尊長遺言。
將屍燒化。及棄置水中者。杖一百。
卑幼並減二等。若忘歿遠方子孫
不能歸葬。而燒化者。聽從其便。○
其居喪之家。修齋設醮。若男女酒
雜。飲酒食肉者。家長杖八十。僧道
同罪。還俗。

鄉飲酒禮

凡鄉黨序齒及鄉飲酒禮已有定式
違者笞五十